

Noken amamas long DSIP mani yet

Paul Zuvani i raitim

INAP long nau nogat mak bilong soim K19 milion mani gavman i givim aninit long Distrik Sevises Impruvmen Progrem (DSIP) long strongim ol distrik.

Planti ol distrik i gat wankain hevi yet olsem rot i bagarap, haus sik i nogat marasin, skul i brukdaun na nogat rot bilong mekim wok bisnis.

Moa yet nogat gavman opisa i go raun long sekim ol rot, ol nes i no go mekim klinik, skul inspekta no go sekim skul na didiman opisa no go raun givim toktok long mekim wok didiman.

Dispela i kamap ples klia tu taim wanpela savemeri, Dokta Anastasia Sai bilong Divain Wod Yuni-versiti (DWU) i givim toktok long kain gavman sevis i stap long ples taim em i givim toktok long wanpela kibung ol i kolim Politik Gavman long PNG we i kamap long Nesenel Risets Institut (NRI) long Mosbi long Tunde dispela wik.

Ol arapela lain husat i kamap na

givim toktok tu em Dokta Orovu Sepoe, siameri bilong Opis bilong Integriti bilong Politikel Pati na Kendidet (OLLIPAC), Dokta Alphonse Gelu bilong NRI, Dokta Bill Standish bilong Australia Nesenel Yunivesiti na bipo biknem niusman na nau tisa long DWU, Patrick Matbob.

Dokta Sai i tok gavman i stap longpela taim tasol wok bilong em namel long ol manmeri i no stap.

Em i skelim kamap bilong mobail telepon kampani, Dijisel, we i tok i kam long kantri long 2008, tasol mak bilong em i stap ples klia long laip bilong ol manmeri.

Em I tok wantaim Dijisel ol famili long ples nau i ken toktok wantaim hap famili long taun.

"Yu no inap mekim dispela taim Telikom we i stap longpela taim long dispela kantri inap givim kain sevis.

I go moa long pes 3

INSAIT:

NIUS.....P2 - 6
HELT.....P8
MERI.....P9
EDUKESAN.....P10
SIOS.....P11
KOMENTRI.....P13

**Lukim ol
Wol nius
poto...**
Pes 14 -15

LAIPTAIL-
Nupela
drama pilai
kempein
bai helpim
MDG..
Pes 16-17



GO BEK LONG PLES: Dispela pik i kam raun long Mosbi siti na laik go long ples taim Wantok Niuspepa i kisim poto bilong em long Gordons insait long Nesenel Kapitel Distrik. Pik bai bihainim longpela ron i go long ples Rigo. Em bai ron wan auwa 30 minits. Poto na stori: Nicky Bernard

**FRI
bihain
long
2pela
SMS**

Salim
tupela sms.
kisim 18
Fri sms



**Kisim 20 teks
long prais lo tupela
teks tasol!**

Sapos yu salim
tupela teks namel
long 7am monin
na 9:59pm nait bai
yu kisim 18 teks fri
behain long em.

Digicel

Bikpela, Storpela moa Network bilong PNG.

Digicel Terns na Kondisen bai stap.

**PNG
MADE**



*More Easy
More Tasty
More Energy*

GLOBE
...the perfect choice



TOK TENKYU: MP Mul (namel) na nupela PPC Euga (r) na distrik administratif bilong North Waghi John Moni, i sanap wantaim ol sumatin meri insait long nupela haus slip bilong ol meri. *Poto: Bustin Anzu*

Haus slip long Milep

Nupela Provinsel Polis Komanda bilong
Jiwaka Superintenden Sylvester Euga na
John Muni, distrik administreta bilong North
Waghi i poromanim Mul long dispela wok-
about bilong em long opim tupela haus slip

“Mipela i laik lukim olsem long bihain taim PNG i gat inap ol save manmeri husat i ken skruim dispela wok bilong mekim wok painim long stretim ol sika long kantri na Dokta Pomat i soim dispela rot,” Profesa Siba i tok.

OXFORD, TOK PISIN INGLIS DIKSENERI

Katim, na pulimapiim oda fom daumbilo na salim i kam long Wantok Niuspepa sapos yu tek baem dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Harap na kisim wampela bilong ol dispela gupela buk we inap strongim Tok Pisin bilong yu.

ORDER FORM

ITEM	QTY	PRICE	OTI	SUBTOTAL
PNL Tok Pisin English Dictionary	9780195359129	K32.00		
				TOTAL
				PNL-NGU-018
				ORDER TOTAL

*Small order charges

Minimum order

of 10 hard books

PNL-NGU-018

Minimum order

Payment by Remittance

*Remittance bank account information

PNL-NGU-018 Remittance (Deposited) P/NL-NGU-018-018-018

*Remittance bank account information (Deposited) P/NL-NGU-018-018-018

Order Name: Oxford Publishing Company Ltd
 Account Number: 180 000 000
 Bank: Bank of South Pacific Ltd
 Branch: Commercial Centre
 Branch Code: 0051
 Sort Code: 00000000

FAX BACK TO : (675) 325 2579

Please include your name

Phone: (675) 325 2579

Fax: (675) 325 2579

Order: (675) 325 2579

Name (Print): _____ Phone: _____

Address (Print): _____

Phone: _____

Signature: _____

Asua i pasim kamap bilong DSIP

BIHAINIM K2 milion Gavman i givim aninit long Distrik Sevis Impruvmen Progem (DSIP) long 2011 Mani Plen wanwan ol distrik nau i gat K19 milion.

OPIS bilong Rurel Developmen (ORD) we i lukautim DSIP i bin mekim wok painim long las yia long painim sapos dispela progem i wok o nogat na i painim sampela hevi.

Long dispela, em i tok ol hevi i stap long tupela hap, wanpela long politikel (ilektorel) na narapela long distrik opis (ol gavman wokman).

- OL hevi em:
- OL Memba i laik mekim olgeta disisen long distrik;
- OL opisa bilong memba i save laik kisim ples bilong ol distrik tresari opisa na mekim wok;
- PLANTI senis tumas long distrik etministreta o distrik tresari opis;
- NOGAT gutpela wokbung

namel long etministreta na distrik opis wantaim lokol memba;

- NOGAT gutpela distrik na fainens opis long kamapim baset na mekim ripot bilong mani;
- NOGAT gutpela saveman long distrik long lukautim na raitim ripot;
- OL ples i stap longwe long narapela narapela na hat long bungim ol manmeri na givim sevis;
- NOGAT gutpela wokbung

namel long memba, ol distrik opisa na ol kampani we i raitim ol projek proposal; na

- OL Memba i no save wok hariap long sainim ol pepa long pe i kamap.

Bikos long dispela ORD i kamap wantaim sampela ol rot bilong dispela mani i ken go aut isi.

Dispela ol rot em:

- ORD i mas mekim moa aweanes kempein long gaid-lains na fainens rot bilong kisim na yusim dispela mani

olsem ol distrik i save long wok bilong dispela mani;

- I MAS gat gutpela komyunikesen namel long ol lain husat i pas long DSIP mani;
- TRENIM moa ol savemanmeri bilong tresari na fainens long kamapim ripot na lukautim ripot bilong mani na
- RIVYUIM ol rot long mekim isi long go bilong DSIP mani.

Charles Okuri bilong Madang Provinzel Tresari opis i tok dispela em i bikpela mani tru long go daun

long distrik.

Em i tok ol distrik bai bungim bikpela hevi long sait bilong lukautim dispela mani.

Em i tok long lukim dispela mani i go gut gavman i mas trenim inap fainens opisa, painim haus bilong ol, wokim opis na gutpela sevis i mas stap long ol distrik long lukim ol pablik sevan i go long ol distrik.

Sapos nogat Gavman bai bungim yet hevi bilong bringim sevis i go long ol manmeri.

NASFUND i winim ol supa fan bilong Australia

PAPUA Niugini Suparenuesen Fan, NASFUND, i wok winim ol fan bilong Australia.

Ol enual risal bilong em i soim, ol memba i bin kisim 15 pesen riten long seving bilong ol long 2010, na insait long moa long faivpela yia, ol i kisim samting olsem 19 pesen.

Join Sif Eksekutiv Opisa bilong NASFUND, Rod Mitchell, i tok strongpela wok bilong fan i bin kisim sans long makro stabiliti, o gutpela sindaun insait yet long PNG ekonomi na risos wok em Esia i go pas long en.

Mista Mitchell i tok lukaut olsem, dispela gutpela taim bai slo daun long 2011, we ol i ting ol winmani bai go daun namel long 8 na 9 pesen.

Polis tokaut long as bilong sutim wanpela meri wantaim gan

PAPUA Niugini polis i tokaut long as bilong sutim wanpela lapun meri, olsem 'ekt ov self difens' bihain long ol ples manmeri i bin pait long ol polisman.

Wanpela katres i bin sutim lek sait bilong meri long Baruni biles, ausait tasol long Pot Mosbi, long wik i go pinis.

Ol Baruni viles pipel i bin kros na pasim wanpela rot i go long Ges Prosesing ples bilong Likwifait Netseral Ges projek.

Polis i tok ol yut i bin givim hevi long wanpela bas bilong wanpela kontrakta bilong PNH LNG projek wokman.

Metropolitan Polis Komanda bilong Pot Mosbi, Joseph Tondop, i tok polis i bin sut long gan long lukautim em yet.

Em i tok, meri ya i bin stap insait long haus bilong em taim wanpela katres i ron i go paitim em long lek bilong em.

Polis i tok, ol i rausim pinis rot blok na ol i mekim wok painim long ol i sutim dispela lapun meri.

PNG mobail fon kampani bungim bikpela mekimsave long Solomon Ailans

PAPUA Niugini mobail fon kampani, bemobile, i karim wanpela bikpela fain mani long em i no inapim sevis mak long Solomon Ailans.

Solomon Ailans Telekomyunikesen Komisen i putim wan milian US dola penalti o mekimsave long bemobile long wanem em i abrus long givim sevis i go long 75 pesen

bilong ol pipel i kam, na long kirap bilong mun Februari, ol i laikim olsem ol i mas holim laisens bilong em.

Telekomyunikesen Komisina, Nicholas Williams, i tok bemobile i givim sevis mak i stap aninit long 50 pesen bilong ol pipel.

Dispela em i namba tu taim bemobile i bungim wanpela

mekimsave long em i no inapim ol laisens wok mak progem bilong en.

Komisina Williams i tok, em i bin nap putim penalti o mekimsave i go inap long 2.5 milian dola, taosl i no mekim dispela long bilip olsem bemobile bai yusim moa mani bilong mitim o inapim dedlain bilong em long mun Septemba dispela yia.

Noken amamas long DSIP mani yet...

I kam long pes 1

"Gavman olgeta taim tok long kamap wantaim ol plen na givim mani tasol i nogat wanpela mak i stap bilong em i ken amamas long toktok bilong em.

"Praivet sekta wantaim ol Sios i holim dispela kantri," Dokta Sai i tok.

Em i mekim dispela tok long taim em i givim tok piksa long ol hevi ol manmeri i bungim long Midel Ramu na Lowa Ramu long Madang Provins.

Gavman long 2007 Saplimentari Baset i givim K4 milion, K6 milion long 2008 Baset, K4 milion long 2009 Baset, K3 milion long 2010 Baset na K2 milion long 2011 Mani Plen.

Dispela em bikpela senis long mani mak ol distrik i bin save kisim bipo.

Gavman i givim dispela mani wantaim as tingting bilong senisim na strongim rurel ples.

Tasol olsem Dokta Sai na ol arapela manmeri i bin tok, i nogat wanpela mak i stap bilong soim olsem i tru manmeri i kisim sevis long gavman.

Dispela em i gutpela tingting bilong gavman.

Tasol askim nau i stap olsem ol Memba bai yusim dispela strongim ol manmeri na ples o nogat?



Bikpela manmeri bagarapim bas bilong ol sumatin

ASUA: Bas we Nesenel Kapitel Distrik Gavana Powes Parkop i kisim i kam long Australia bilong karim ol skul sumatin i go long skul long moning, i no moa mekim wok bilong em stret. Nau, taim ol pikinini i traime long kalap long bas long go long skul, ol bikpela manmeri na wokman tu i wok resis wantaim ol. Em i no stret, na Gavana Parkop i mas lukluk na stretim dispela hevi. *Poto na Stori: Nicky Bernard.*



Bagarapim Marijuana

Bustin Anzu i raitim

PLES Kindeng insait long Westen Hailans i laik lukim sampela nupela senis insait long Westen Hailans provins.

Long las wik Fraide, ol i kukim moa long 6,441 long Kindeng maket, we moa long 2000 manmeri i stap na lukim.

Nupela Provinsel Polis Komanda bilong Jiwaka Provins, Superintenden Sylvester Euga, i gat bikipela tingting long sapotim dispela program, long wok bung wantaim ol yangpela bilong Kindeng eria.

Anglimp Lokol Level Gavman Presiden Kit Wamil, ol sios lida, Komyuniti polising na drag skwat bilong polis insait long Westen Hailans i bin kamap long dispela bung na lukim.

Planti ol lida na manmeri i lukim dispela samting na rausim aiwara bilong ol olsem, nau ol i laik lukim sampela senis i kamap long Kindeng, ples we planti i ting olsem saplaia bilong dispela spak brus insait long kantri.

Siaman bilong dispela stopim spak brus program Justin Nigints i tok em yet i wokim risests na painim aut olsem ol yangpela husat i planim spak brus i ken senis sapos ol i wok gut wantaim ol.

“Mi bin painimaut olsem sapos mipela i wok gut wantaim ol, ol i ken senisim pasin bilong ol. Insait long tripela mun, mi bin wok bung wantaim ol insait long Kindeng. Mi bin go long haus bilong ol na toktok wantaim ol na famili bilong ol long stopim dispela samting,” em i tok.

Euga i tok smok mariwana em i wanpela bikipela hevi insait long kantri we i bagarapim planti yangpela na wanem samting ol i wokim,

em i wanpela nupela samting.

“Tude em i makim wanpela bikipela samting insait long ol pipel bilong Kindeng. Mi no save lukim kain samting olsem insait long laip bilong mi long polis. Mi amamas long wok bung wantaim ol yangpela na ol lida long daunim dispela hevi bilong smok mariwana,” em i bin toktok long Kindeng long taim ol yangpela i kisim mariwana kam bilong bagarapim.

Ol yangpela bilong Gatii na Tea gate Rumar wot i rausim 2, 000 diwai, Kindeng maket Tumen Crusher rausim 1, 300, Kindeng rot 1, 865, Pondi Kuipi 450, Minjim Saut Waghi 130, Kondipina 50, Panda Dei distrik 28, Minjipa Saut Waghi 70, Andakilkang Upper Tumen 58, Onbi Deipi Anglimp 70, Kindeng rot 3, 420 na Poldi Warakar boda em 400, bungim olgeta em 6441 diwai mariwana.

12-pela Zon Komanda bilong ol dispela yangpela i tok ol bai no inap mekim wok long groim, planim, lukautim, rausim na salim ol dispela smok nogut. Ol i laik senisim pasin na kamap ol gutpela man insait long Komyuniti bilong ol.

Nigints i tok Kindeng Drug Surrender program em bai kamap olsem wanpela nupela projek we bai opim ai bilong planti manmeri insait long kantri na mas kamap insait long Jiwaka, Simbu na Westen Hailans yet.

Ol i no kisim sampela helpim long gavman o ol narapela grup tasol ol i wok insait long strong bilong ol yet long kamapim gutpela sindaun insait long Komyuniti.

Planti bilong ol dispela yangpela, em ol i save long planim tasol ol i save long saplaim i go long ol narapela yangpela long yusim na salim.



Intaplast mekim gutpela wok long Pot Mosbi Jeneral Haus sik

WANPELA tim dokta bilong Australia i kamap long Mosbi long dispela wik long karimaut ol operesin we i ken senisim laip bilong ol pipel husat i gat bagarap long bodi bilong ol.

Hai Komisina bilong Australia i kam long PNG, Ian Kemish wantaim meri bilong em Roxanne Martens i bin go long Pot Mosbi Jeneral Hausik long Tunde long lukim ol dispela lain husat i kisim malolo bihain long operesin em ol dokta bilong Australia i mekim.

Dispela Intaplast Australia tim, i save kisim bikipela helpim i kam long AusAID na Rotary na nau yet em i mekim wok operesin o katim na sekim ol manmeri na pikinini long Mosbi. Las wik dispela tim i bin stap long Madang.

Intaplast tim i bin kam long PNG 72 taim insait long las 25 yia long givim fri operesin i go long ol manmeri husat i gat bagarap long bodi bilong ol. Long PNG yet, ol tim na i givim toktok na edvais long 4000 manmeri na insait long dispela namba em 2103 lain i lukim tim i mekim operesin long ol.

Insait long raun bilong ol dispela

yia ol bai mekim operesin long 35-pela lain.

Ol dokta bilong Australia i win sait sait wantaim ol PNG dokta long serim infomesin long katim na stretim ol manmeri husat i gat bagarap long bodi bilong ol na tu serim tingting long ol nupela medikol teknoloji.

Mista Kemish i tok Australia i amamas long givim mani long kain program olsem we i lukim ol pipel i senisim laip bilong ol.

Insait long wok bilong ol i no long taim i go pinis, ol dokta i bin mekim wok operesin long wanpela yangpela meri na dispela i lukim ol i stretim han bilong em we i bin bagarap taim em i pundaun long wanpela paia. Dispela yangpela meri bai yusim gut han bilong em bihain long ol dokta bilong Intaplast i wok long em.

Mista Kemish i tok olsem olgeta tu wik wok bilong ol dokta i kam long PNG i save kos samting olsem K100, 000. Australia i go het long bringim ol Intaplast doka i kam long PNG tasol Intaplast i nidim helpim long kam tu long ol wan wan manmeri na ol praivet sekta ogenaiesin.



Dokta husat i go pas long operesin wok, Dokta James Masson i givim frit aim bilong em na em i tok dispela em namba 5 taim bilong em long kam long PNG na em i amamas long wok em i mekim.

Dokta Masson i tok lain dokta bilong Intaplast i stap fes wanpela

wik long Madang we ol i wok wantaim Dokta Maihua, husat nau yet i wok long kamapim ol wok plen long haus sik we ol dokta bilong Australia i soim em long mekim long las yia. Em i skulim ol narapela yangpela wokba long wokim ol plen bilong wok na dispela em gutpela

samting.

“Ol PNG dokta em ol hatwok lain tru na ol i save amamas long lainim nupela samting na em gutpela long wok wantaim ol. Ol manmeri i amamas na i save smail bikos ol i amamas long gutpela sevis,” Dokta Masson i tok.

KUKIM SPAK BRUS: Hia ol pote i soim ol i kukim ol bikipela marijuana diwai long ples Kindeng long las wik. *Poto: Bustin Anzu*

INTAPLAST SIK-MAN: Stonney Magaulie, husat i gat 12 krismas, i lap na amamas bihain long ol Intaplast dokta bilong Australia i stretim bagarap long bodi bilong em.

Risets soim olsem senis mas kamap

WANPELA bikpela risos insait long Motor Vehicles Insurance Limited (MVIL) 'Rot Sefti - em I no wanpela Gem' kempein em stadi we i save kamap sampela taim em wanpela independen kampani StollzNow Risets i save karimaut.

Long nambawan wok paininaut bilong ol long 2009 em i soim ples klia tru olsem planti ol pipel husat save yusim rot, moa long en em ol pasindia bilong PMV i no save filim seif. Namba o mak i soim olsem 96% long ol dispela pipel i save wari long sefti bilong ol long rot na tu sampela pasindia i laik lukim olsem senis i mas kamap.

Menesing Dairekta bilong MVIL, Dokta John Mua i tok olsem long tingting bilong em planti long ol dispela hevi i save kamap taim ol draiva i dring na draivim kar. Ol rekot bilong 2009 risets i soim tu dispela. i gat wanpela i soim tu olsem namba bilong ol pasindia i bilip olsem ol i kalap long PMV we draiva i spak na draiv. Tasol nau yumi stat long lukim ol risalt o wanem ol infomesin long 2010 risets em StollzNow Risets i kamapim ken na yumi ken lukim olsem ol pasindia i ken bilip olsem sampela gutpela nius i kamap.

Mi laik toktok moa long ol wanem samting risets i painimaut. Long 2010 39% tasol i bilip olsem ol i stap antap long PMV em spak draiva i ronim, tasol long 2009 namba em 63%. Ol papa bilong PMV i ting olsem ol draiva bilong ol i dring na draiv.

"Taim yumi lukim dispela, mi ken tok olsem mi amamas long wok risets em StollzNow i kamapim. Taim 39% em planti tumas ol pipel i

bilip olsem ol i gat sampela ol pasindia husat i ting olsem ol draiva i spak na draiv tasol gutpela wok i kamap.

Dispela gutpela impruvmen long pasin bilong ol draiva i no dring na draiv i soim

olsem planti lain i lukim olsem em i no gutpela long dring na draiv na karim ol pasindia.

Olsem na taim mipela i go het long kamapim senis, mi laik tok gen long olsem

ol PMV draiva husat i no rejista long 2011 MVIL PMV Draiva NRL Gren Fainol Kompetisen long rejista nau. Rejistresin bai pas long Mas 11 olsem na yupela mas hariap nau.



have you tried Corned Tuna?

NEW

DIANA

Corned Tuna

Kids will surely love it.

*The taste
of Corned Beef
and Tinned Tuna
in one!*



Serving Suggestion



RD Tuna Canners Ltd.
PO Box 2113, Madang,
Papua New Guinea

Wankain rait long ol AIDS lain tu

BIHAINIM ol imeil (email) i sut long HIV na Loa, strongpela tingting i kamap long sampela olsem i mas gat luksave olsem olgeta man meri, maski ol i husat, i gat humen rait long stap, raun na wok ples bilong em.

Maura Elaripe em Projek Kodineta bilong “Gender Equality in the context of HIV&AIDS” UN Women - PNG Country Presence, i tok planti toktok i kamap pinis i kam long gavman, ol praivet sekta, ol sivil sosaiti grup long lukautim ol rait bilong ol lain na moa yet, ol lain i gat sik AIDS.

Em i kontribiut long ol toktok na moa yet, bihainim wampela yangpela man husat i stap long grup man i laikim man (MSM) i bin dai na ol lain long haus sik i no bisi long em.

“Mi lukim olsem long planti taim na ol kain hap insait long dispela kantri, ol i save bagarapim ol rait bilong ol manmeri. Mi wampela husat i lainim ol rait bilong mi na mi save long lukautim mi yet long sait bilong humen rait.

“Tasol nau, PNG i wok long gat planti diskasen o ol toktok long HIVna Loa na tu, kamapim lo long ol man i lainim man, meri i laikim meri na ol “sex worker” o ol lain i salim ol yet. Dispela wok i gat bikpela salens. Na taim mi tok amamas long Dame Carol Kidu long hatwok em i mekim, yumi long dispela kantri i gat lo i tok olsem man i laikim man, meri i laikim meri na ol lain i salim ol yet long mani i brukim lo. Yumi mas lukautim ol MSM na ol seks woka lain long bagarap ol i

save bungim long kain stap ol i putim long ol,” Mis Elaripe i tok.

Em i tok long las wik tasol, wampela yangpela MSM man husat i memba bilong i Gat Hop i bin dai long Pot Mosbi Jenerel Haus sik we em bin go etmit long wanem em bin gat sik TB na i hap dai i stap bikos em no bin kisim gutpela helpim long ol haus sik woklain.

Mis Elaripe i tok maski yumi gat wanem sik o yumi husat, yumi gat wankain rait na yumi mas kisim wankain luksave na helpim, maski wanem situesen yumi long en.

Mis Elaripe i tok long planti taim, ol meri i gat AIDS em ol i save stopim rait bilong ol long kisim ol samting we ol man bilong ol i lusim taim ol i dai. Na ol na ol pikinini bilong ol i save stap long hevi

bikos ol i stopim ol mani na entaitelmen samting long man na papa bilong ol.

Mis Elaripe it ok antap long ol dispela, ol i save paitim na mekim nogut long ol.

“Em it aim nau long olgeta lain husat i kolim ol yet man o meri i sanap makim maus bilong ol HIV lain i sanap na tok “inap em inap”.

“Ol gavman bodi, ol praivet sekta na ol sivil sosaiti i mas eksenim ol toktok ol i mekim long en. Yumi toktok long lukautim ol rait bilong pipelna taim em i kam long senisim ol polisi na kamapim en-vaironmen bai strongim o sapotim dispela, pipel i surik i stap. Dispela kain samting nau i kamap long PNG,” Mis Elaripe i tok.

Helt Dipatmen bai kisim bek Blut Beng Sevis

BLUT Beng Sevis bai go bek long han bilong Helt Dipatmen, Helt Sekreteri, Dokta Clement Malau i tok.

Dispela bikpela sevis em Helt Dipatmen i bin givim i go long

Sen John's Ambalens Sevis long sampela yia i go pinis, tasol nau, ol toktok i go het namel long Helt Dipatmen na Sen John's long kisim dispela sevis i go bek long Helt Dipatmen.

Taim ol toktok long ol senis long Blut beng Sevis menesmen i go het, Dokta Malau i singaut long pablik long stap isi na lukautim ol yet gut long noken kisim bagarap we ol bai laikim blut long en.

“Ol bikhet pasin olsem dring spak longlong, dring longlong spak na draiv, bagarapim, paitim nogut na paitim meri, wanpinis pait, kamapim bagarap long bodi bilong man e mol samtign we i save yusim na pinisim blut sevis.

“Pipel i mas luksave nau na noken kamapim birua bai yu yusim planti blut long en. Mipela i askim ol manmeri long stap gut taim mipela i wokim ol senis long blut beng sevis insait long kantri,” Dokta Malau i tok.

Long taim bilong imejensi long haus sik, blut i bikpela samting tru long sevim laip tasol long wankain taim, wampela teknikel ejensi i mas lukautim blut sevis long kantri, Dokita Malau i tok.

Em i tok ol blut prodak i bikpela samting long ol ogenaisesen na ol lain i gat sik long blut olsem animia o lain i sot long blut na thalasemia.

Em i tok dispela em i wampela teknikel eria na sevis i laikim wampela teknikel ejensi long ranim na menesim na inapim laik long yusim long gutpela rot na long taim stret nid i kamap.

Long wankain taim, sampela haus sik long kantri i bungim hevi nau long blut i sot na em i bikpela samting long pipel i luksave na helpim stopim ol kain hevi na birua long kamap na nogat man bai laikim blut long en.

Dua ol i pasim pinis mas opim gen



LONG las wik, yupela i ritim pinis Hap 1 long dispela wok rivyu o skelim wok bilong mipela yet hia long Saimon Sairin Senta (SCC). Mi bin rait long “ol rait bilong laip” na sapos wampela indai long sik HIV/AIDS, ol “rait” bilong yu indai wantaim. Mi bin tok long foapela wok yumi mas mekim insait long dispela ministri na las wik mi bin tok long tupela :

- kontrolim dispela vairas insait long kantri:
- na pasim rot long husat i HIV pinis i no ken givim long nara-pela.

Long dispela wik, mi laik tokaut long tupela sait moa:

- Lukautim ol siklain
- na sapotim siklain na ol klostu famili-lain bilong ol.

Lukautim ol siklain:

Namba wan samting, em man i sik i mas painimaut em i gat wanem kain sik. Long HIV i gat wampela rot tasol – sekim blut! Go kisim HIV tes; ol i testim yu na tes i tok yu HIV pinis – orait yu HIV pinis. Tes i tok nogat o i no klia tumas – orait, sekim blut gen long tripela mun bi-hain.

Nau i gat bikpela wari i stap long komyuniti bikos planti i sik na i pret ol i HIV pinis – tasol ol i les long go sekim blut. No ken fosim man long go sekim blut na yu no ken tokaut ples klia long yu ting man i HIV pinis. Sikman yet long laik bilong em yet i mas go na sekim blut! Dispela em bikpela wari na i save givim hevi long planti famili bilong kantri.

Orait, man i sekim blut na test i tok – man i HIV pinis. Nau i gat tripela wok kaunsila mas mekim kwiktaim.

- Skulim man o kaunseling bai em i save gut long HIV na long rot HIV i ken kamap AIDS na mekim klia long em i ken givim sik long narapela; toktok long em long poroman, famili-lain na pikinini i kisim hevi long dispela.

Las wik mi bin tokaut long kaunseling nau i no gutpela tumas na ol kaunsela i mas go bek long skul (in-sevis).

- Lukautim skin bilong sikman : Planti ol HIV-lain i gat kankain sik, ol i kolim Ol's (“opportunistic infections”). Ol kaunsela mas salim ol i go long klinik o haus sik bai nes o dokta i ken skelim ol na helpim ol long kain kain marasin ol i nidim bilong winim dispela sik.

Bipo, ol klinicknabaut i smat tru long mekim dispela wok. Tasol nau wok bilong ol i slek. i tru wok bilong Helt Dipatmen i go daun na bel bilong ol woklain (staff moral) i go daun wantaim! Ol i wok long trenim ol dokta na nes long HIV/AIDS tu o nogat? Bipo, yu inap salim sikman i go stret long Hederu Klinik na kisim helpim – tasol nau, ol Hederu i save salim sikman i go long klinik nabaut – na ol klinik nabaut i slek! Yumi mas klia long dispela samting – mi lukim planti siklain indai long 2010

na mi gat wampela askim – olsem wanem ol i dai taim ol i stap long strongpela marasin (ART)?

- Namba tri wok: salim ol i go long HIV Klinik bai ol i ken stat long dring ol strongpela marasin, ol i kolim ART (antiretrovirals)

Sapotim siklain na ol klostu famili-lain bilong ol:

We bilong Helt sevis long PNG em i olsem. Man i sik i save kam long haus sik. Dokta o nes i painimaut sik bilong man. Ol i tilim marasin long em. Em inap, em i go bek long haus bilong em; em sik nogut tru, em edmit long haus sik. Dring marasin pinis na dispela sik i aut long bodi; man i stap i orait gen!

Tasol HIV/AIDS i narakain sik olgeta. I nogat marasin bilong pinisim sik. Strong bilong bodi i bagarap (immune system) na HIV bai stap long bodi i go inap bodi indai. i nogat we bilong rausim dispela vairas long bodi! Olgeta moning na nait sikman i mas dring marasin. Olgeta de man i mas was gut long bodi bilong em. Olgeta de man na meri na pikinini i wari na i sem na i karim hevi bikos dispela sik i spolim tru laip bilong ol. Tilim marasin long ol na tokim ol i go long haus em i no inap. Ol i nidim sapot! SAPOT! SAPOT! SAPOT!

Ol i nidim “Sapot Grup” bilong wokabaut wantaim ol na helpim ol long taim bilong hevi. Sampela helpim ol i nidim em:

- Nupela komyuniti – ol wansik – ol i kolim ol “Friends” . I gat sampela i stap nabaut long kantri. Mipela i gat wampela long SCC Hohola: “Yumi Sapot Grup”
- Long kaunseling sevis – tokaut long wari bilong ol.
- Helpim long kaikai, bai ol inap daunim marasin na was long bodi.
- Ol basfe bilong baim PMV long go i kam long haus sik.
- Helpim ol pikinini – sampela i sik, sampela nogat – long baim skul-fi, etc.
- Long famili-laip, nupela marit, long taim bilong karim pikinini
- Long ol i save – komyuniti i tingim ol – Sios i sori long ol – i gat man na meri i amamas tru long wokabaut wantaim ol.

Bipo i gat helpim-mani long sapotim sikmanmeri, tasol dispela helpim i go slek olgeta nau. Helpim nau i save kam long wanwan man o meri o komyuniti grup; ol Kristen lain i save pilim sori tru (compassion). Wanwan bilong ol bikpela ogenaisesen i save helpim, tasol planti i save lusim ting. i gat planti “Krismas – Kristen”, na dispela i gutpela. Tasol, olsem wanem long mun Janueri i go inap Novemba?

Long skel bilong mi, planti i wok i stap insait long HIV/AIDS woka i stap longwe tru long sikman. Wok bilong ol i potnait wok na planti i ting olsem ol Pablik Sevan. Yumi nidim man na meri i pilim sori tru na i laik sekhan wantaim ol siklain. Mi tok long ol lain bilong gavman na praivet sevis. Tasol bikpela lain i slip i stap na i no mekim gut wok – em ol Sios! Tru, sampela insait long sampela Sios i mekim gutpela wok tru, tasol planti i slip i stap! Sem long yupela!



MEKIM SAMTING LONG KAMAPIM SENIS:
Las wiken Sarere i bin lukim lons bilong Stap long ol pikinini bilong wol ripot. Ripot i sut long “Adolescence” em ol pikinini i wok long groap we krismas bilong ol i stap namel long 10 na 19 yia na wol tude i gat 1.2 bilion yangpela pipel i bungim wol i gat planti ol salens na sans long ol i mekim samting o nogat. Dispela poto i soim wampela pikinini meri i kisim sans bilong em long mekim samting bai kamapim gutpela senis long komyuniti bilong em long kantri Bangladesh. *Poto: The State of the World's Children 2011 megesin..*

Meri na Pablik Trensport



Yut, Meri na Famili wantaim

PABLIK trenspot i bikpela samting long ol meri long olgeta hap bilong wol bikos em i wanpela bikpela samting long olgeta de wokabaut bilong ol.

Bikos pablik trenspot i stap, ol meri i ken go long ol ples bilong kisim ol sevis olsem helt kea, eduken, wok, kisim ol samting i go long maket wantaim ol liklik pikinini na lusim ol pikinini long skul. Wokabaut bilong ol man na meri i no wankain. Long wokabaut bilong ol meri, ol i mas tingim taim, ol wok bilong ol na ol wok long inapim ol famili wok. Na ol i mas tingting tu long sefti bilong ol taim ol i wokabaut.

Long Yunaitet Kingdom, Ikwat San Komisnin (EOC) risets long ol jenda isu o ol samting i sut long man na meri long trenspot sekta i bin autim olsem 49 pesen long ol man i save raun em ol man yet i draiv taim skelim wantaim ol meri, mak i stap long 35 pe sen. Ol meri i save raun long kar olsem pasendia, wokabaut o long ol pablik trenspot na moa yet, long bas. Skelim wantaim ol man, ol meri i no save gat planti sans long draiv na raun long ol kar.

Long planti eben senta long PNG olsem ol siti na taun, ol Trenspot atoriti, Siti Komisnin na ol politikel lida i no save bisi long ol nits bilong ol meri long sait bilong trenspot taim i nogat trenspot nid stret bilong ol lapun, ol disebel na ol pikinini.

Planti meri i no save go long ol hap ol i laik go long en na karimaut ol wok bikos ol i no pilim sef. Dispela tu i stopim ol long besik rait bilong ol long go long ol pablik ples. Pret pasin na pilim i no seif em tupela bikpela samting we i stopim wok bilong strongim ol meri na go insait long ol wok developmen bilong kantri.

Gutpela trenspot sistem we prais i gutpela long pipel inap peim long kalap long en i save kamapim gutpela groa long wok ikonomi. Planti meri tru long kantri i stap insait long infomol sekta. Ol i save givim ol sevis long infomol sekta eria olsem mekim na salim ol klos, kaikai, henkraf na ol narapela liklik bisnis wantaim tu fomol sekta saplai tred, imejensi, gavman na praivet sekta sevis.

Olsem lain we i save mekim wankain kontribusen i go long ol wok developmen na baim wankain takis tu, ol meri i mas kisim wankain luksave na sans.

Pablik Trenspot o PMV em i wanpela rot we ol meri na pikinini i save yusim long kisim sevis na mekim wok bilong ol, tasol sistem yumi gat long em nau i no seif, em i birua na i no soim gutpela pren pasin i go long ol pikinini.

I nogat gutpela na sef trenspot sistem bilong ol meri na ol disebel i soim olsem toktok bilong ol lida na ol atoriti we ol i no bisi long ol kontribusen bilong ol meri na pikinini na dispela i

soim olsem ol i no luksave long ol na kontribusen ol i mekim long sosaiti. Ol komyuniti na siti i mekim los taim ol i no luksave long ol wok kamap ol meri inap mekim o yusim ol kontribusen bilong ol meri.

Ol PMV na ol PMV bas i kisim piksa nogut na ol i no sef long sait bilong ol meri na ol gels long wanem i gat taim we ol i repim, kilim dai, fosim na kisim ol i go long narapela hap, stil long ol na tok nogutim ol long bas.

Long Mosbi, klostu olgeta bas stop, maski em i moning, santaim na apinun, i no seif. Nogut moa long ol em ol bas stop long Two Mail, Badili, Sabama, Konedobu, Boroko na Gordons Maket we ol kriminel i karim ol naip, gan na wanem ol sap samting moa long wokim ol holap long bas na stil long ol pasindia bagarapim narapela manmeri na pikinini we long dispela ol keis, em ol meri na ol skul pikinini.

Moabeta ol trenspot atoriti i fokus long wokim ol plen we i tagetim ol hevi bilong ol meri long sait bilong trenspot na helpim daunim ol wari na hevi. Taim ol atoriti i feil long kamapim trenspot polisi long etresim o inapim ol nit bilong ol meri, i abrusim ol long sosel sait. Risets i mas kamap long ol nit bilong ol meri i wokabaut long ol bas na mekim wok na go long kisim sevis.

Sampela ol hevi long sait bilong trenspot ol meri i bungim em long:

- Nogat gutpela transit o senisim bas system na wanpela piksa em long ol meri i stap long Kanudi na wok long Waigani. Bas i save stop long taun na ol meri ya i save wokabaut longwe na kamap long haus taim em i tudak pinis.
- Ol meri i wantaim ol pikinini na soping i mas putim ol samting na karim wantaim.
- Sasim bikpela fi long ol meri i karim ol samting bilong salim long maket.
- Sampela bas stop long taun na eben eria e mol lain nogut i save wokim ol holap long ol.
- Tok nogutim, paitim na mekim nabaut na bagarapim ol meri na ol gels i go het insait long ol bas.
- Long ol provins long kantri, i gat sampela hap long ol haiwe we ol raskol i save wokim stil pasin na reipim ol meri pasindia.

Bikpela samting em ol trenspot atoriti long ol eben na rurel eria i lukluk long ol samting na toktok na wok wantaim ol meri grup na kamap wantaim sampela ansa we bai lukim olsem olgeta sitisen bilong dispela kantri i karamapim tu ol meri na pikinini na ol narapela grup i nogat luksave tumas i gat sans long kalap long gutpela na sef pablik trenspot.

Moa neks wik...

Elaine kisim helpim long skruim skul



HELPIM MERI SKUL: Elaine Kila (namba wan long raithan i givim bikpela smail), meri na man skul kepten bilong Pom Grama, skul prinsipel Misis Merle Olley, Hai Komisina bilong Australia, Ian Kemish, Sinia Vais Presiden bilong RSL Mosbi brens, Steve Fielder na narapela RSL man long taim bilong prisenim skolasip helpim long Pot Mosbi Grama skul long dispela wik Tunde. *Poto: Nicky Bernard*

Veronica Hatutasi i raitim

DISPELA wik i bin lukim wanpela laki yangpela meri i kisim helpim long skruim skul bilong em i kam long Pot Mosbi brens bilong Riten Sevisis Lig bilong PNG (RSL-PNG) na Australian Nesenel RSL Lig.

Elaine Kila husat i gat 19 kris-mas na i hap Sentrel na Manus em dispela meri we i kisim helpim long statim skul bilong em long Yunivesiti bilong PNG (UPNG) we bai wokim namba wan yia skul long Ats Saikoloji.

Elaine i wanpela long tripela sumatin i kisim sponsasip helpim i kam long Pot Mosbi RSL Brens na Australian Nesenel.

Insait long las 10-pela yia, RSL Pot Mosbi Brens i save sponsaim tripela sumatin bilong Pot Mosbi Grama skul.

Tupela samting we Elaine na ol narapela sumatin i mas inapim long kisim helpim long RSL Pot Mosbi brens em long wanpela haus lain bilong sumatin i bin mas woa keria long Wol Woa tu o wanpela haus lain bilong em i mas wok long PNG ami, polis fos na Korekseenel Sevisis. Na namba tri, em i mas gat ol gutpela akademik mak.

Steve Fielder em sinia Vais

Presiden bilong RSL Mosbi brens i tok helpim we RSL Pot Mosbi brens i givim long Elaine bai karamapim olgeta skul fi, ples bilong slip, kaikai na alauwens long UPNG.

Bubu man bilong Elaine i bin wanpela long ol "Fuzzy Wuzzy Angels" woa keria na gaid long Wol Woa 2 long pait i bin kamap long Kokoda, Noten provins na we nau, Kokoda Trek i kamap wanpela biknem ples ol lain bilong Australia i save kam wokabaut bihainim.

Ol soldia bilong Australia i bin givim nem, "Fuzzy Wuzzy Angels", i go long ol woa keria na sapota bilong PNG husat i bin helpim ol soldia bilong Australia long Wol Woa 2 bikos long kain gras long het bilong ol.

Samting olsem 4,000 soldia bilong Australia i bin dai long dispela pait agensim ol Siapan soldia, tasol wantaim helpim na sapot bilong ol "Fuzzy Wuzzy Angels", mak i no bin go antap moa. Matmat bilong 3,800 soldia bilong Australia i stap antap long Bomana Woa matmat ausait tasol long Mosbi siti.

RSL i save sponsaim ol sumatin long Pot Mosbi Grama skul bikos skul i sanap long graun pastaim em RSL opis i bin sanap long en. Na taim paia i kukim hap, Pot Mosbi Grama i

bin baim graun long RSL Mosbi brens na sanapim skul long en long yia 2000. RSL Pot Mosbi brens i bin putim mani long wanpela tras akaun we i wok long helpim gen komyuniti na sponsaim ol sumatin biling Pot Mosbi gram skul yet husat inapim ol poin antap.

Long dispela yia, skul i gat 1,300 sumatin long Elementeri Prep level inap long Gred 12.

Skul i bin kirapim wok long 1993 long daun taun Mosbi long givim sans long ol sumatin husat i no kisim spes long ol nomol skul, tasol nau em i kamap olsem "school of choice" we husat papamama i laik salim ol pikinini na i ken peim skul fi em ol i mekim.

Hsai Komisina bilong Australia long PNG, Ian Kemish, husat i petron bilong RSL Mosbi brens i bin autim tok amamas long Elaine i kisim helpim long RSL long skruim skul bilong em.

Em bin tok bikos long hatwok bilong em na tu long koneksen bilong bubu bilong em olsem woa keria, em i kisim dispela helpim.

Elaine i bin autim bikpela tok tenkyu i go long RSL Pot Mosbi brens long helpim ol i givim taim em i skul yet lon bg Pot Mosbi Grama na skruim i go gen taim em i go skul long UPNG.

Raun lukim meri na ol pikinini...

SINGSING BILAS: Em taim bilong singsing tumbuna na ret-peint i save mekim pes bilong ol meri i sain moa yet olsem na narapela susa bilong Murik i helpim poro bilong em long putim ren peint long pes pastaim long em i go singsing. *Poto: James Kila*



TANIM NANGU SAK-SAK: Nangu em wei bilong tanim saksak wantaim hot-wara na i kamap malumalu na gutpela long kaikai wantaim abus. Dispela kain stail bilong kukim saksak em dispela mama bilong ples Karau, Julie Sangu i soim long taim em i kukim nangu long ples bilong man bilong em. *Poto: James Kila*



Salim kwik ol tisa wok stat fom I go long Waigani ... sapos nogat, katim pe

NEKS wik Mande 7, em detlain we ol risamsen samari fom bilong moa long 46,000 tisa aninit long nesenel edukesen dipatmeni mas stap long Waigani Edukesen hetopis. Sapos nogat, ol bai rausim ol long peirol na ol i no inap kisim pe.

Olsem na nau, askim i go aut long ol provins long salim hariap ol risamsen fom samari sit o fom ol tisa i bin pulumapim taim ol i stat wok long Janueri 31, 2011, i go hariap long Waigani na ol i ken stretim ol pe bilong ol.

Ekting Edukesen Sekreteri, Dokta Joseph Pagelio i mekim singaut long dispela wik bikos planti ol fomi no kamap yet long Waigani na

em i wari long dispela.

"Sapos Waigani i no kisim ol Risamsen Fom bilong ol tisa long neks wik Mande Mas 7, 2011, ol bai saspenim o rausim ol long peirol namba 7, peide 08/04/2011. Bikos planti ol dispela fom i no kamap yet long Edukesen Dipatmen Peirol Brens, ol i skruim gen detlain long wanpela wik i go long neks wik Mande. Pastaim detlain em long Mande Februeri 28," Dokta Pagelio i tok.

Emi tok ol i tokim pinis olgeta provinsel edukesen edvaisa na dairekta long mekim dispela wok hariap bikos ol i no laik saspending nating ol skul tisa.

"Dispela i namba 5 wik bihain lon

g ol tisa i bin stat wok long Mande Janueri 31, 2011. Na aninit long lo, olgeta skul tisa i mas pulumapim ol Risamsen ov Duti Salari Stetmen (RoDSS) fom long namba de ol i stat wok long ol wan wan skul bilong ol.

"Ol sinia tisa na sait (site) lida i mas sekim, sainim na givim ol dispela fom i go long provinsel edukesen opis long. Provinsel Edukesen opis i sekim gen ol fom, sainim na salim ol fom i go long Peirol long Waigani na ol bai wokim ol pe," Dokta Pagelio i tok.

Emi tok i kam inap nau, Waigani i kisim tasol 1,781 long ol tisa i rejista olsem ol i statim wok long 2011 skul yia. Tasol dipatmeni gat 46,231

tisa long peirol. Dispela i min olsem 44,450 o 96 pesen long ol RoDSS fom em Waigani no kisim yet," Dokta Pagelio i tok.

Dokta Pagelio i bilip olsem ol dispela fom i mas sindaun i stap long ol provinsel edukesen opis wetim sinesa bilong ol siapesen bilong ol provinsel edukesen bot (PEB) o ol provinsel edukesen edvaisa (PEA).

"Olsem na toksavei go aut gen long ol PEA/Dairekta long sekim ol fo, sainim na salim ol i kam long Peirol Rileted Sevisis (PARS) long Waigani bipo long Mande Mas 7, 2011," Dokta Pagelio i tok.



Ekting Edukesen Sekreteri, Dokta Joseph Pagelio

SOIM AMAMAS

KLAP: Ol Pom

Grama skul sumatini wokim kain klap bilong ol long soim amamas long Hai Komisina bilong Australia na RSL i kam long skul bilong ol.

Poto: Nicky Bernard



Ol Pom Grama sumatin kisim salens

Veronica Hatutasi i raitim

MOA long 1,300 sumatin bilong Pot Mosbi Grama skul insait long Nesenel Kapitel Distrik i kisim salens long tanim ol risos na mani samting i go long sevis, senisim pasin na wok agensim korapsen.

Hai Komisina bilong Australia long PNG, Ian Kemish i salensim ol sumatin long dispela wik Tunde insait long wanpela bung we Elaine Kila em wanpela eks sumatin meri i bin kisim spon-sasip helpim long Pot Mosbi Riten Sevisis Lig brens (RSL) long skruim skul long Yunivesiti bilong PNG (UPNG) Waigani kempus.

"Jeneresen bilong yupela i gat bikipela salens, ol hevi na ol sans i stap. Salens bilong mi long yupela em long tanim ol bikipela risos na mani samting kantrii ga ti go long ol sevis. Emi hat moa abrusim tingting yupelai gat long dispela

samting.

"Pasin i mas senis. Korapsen em i bikipela salens na yupela i mas tanim baksait bilong yupela long em. Yupela i mas strong na tok nogat long em.

"Putim intres long sevim kantri, yupela i mas gat hop, stap isi pasin na tingting long ol gutpela samting.

"Wanpela bikipela tok-tok mi laik wokim em, long planti wei, Australia bai stap long PNG long planti moa yia i kam na givim sapot, tasol PNG i mas go pas," Mista Kemish i tok.

Mista Kemish husat i petron bilong Pot Mosbi RSL brens i bin tok RSLi mekim yumi i tingim prensip namel long tupela kantri (PNG na Australia) na taim ol i bin sanap wantaim taim birua i kam insait long PNG nai laik tekova.

Emi tok dispela strongpela pren pasin namel long tupela kantri i pas i stap tude na PNG em i wanpela kantri we

Australiai lukim olsem pren bilong em na sapos tim em long olgeta eria.

Em bin tokim ol sumatin olsem sapos ol i laik save moa long samting i bin kamap namel long PNG na Australia we ol i bin sanap wantaim long taim nogut, ol i ken go lukim Bomana Woa matmat na samting olsem 3,800 matmat bilong ol soldiai bin dai long namba tu bikipela pait moa long 60 yia i go pinis long Kokoda.

Em bin tok Kokoda trek i bin pulim ol man i kam long Milen Be, Buna, Gona, ol narapela hap bilong kantri na Australia long sanap pas wantaim long kempein bilong stopim na rausim ol birua ami (bilong Siapan).

Mista Kemishi save amamas long tingim olsem emi wanpela man bilong PNG tu bikos em bin groap long Mosbi.

"Lewa bilong mi stap hia long PNG bikos mi groap hia long Korobosea long Mosbi.

Tupela elementeri skul long Isten Hailans i kisim helpim

SAMTING olsem 297 elementeri skul sumatin long Maun Hagen, Isten Hailans provins i ken amamas nau long sindaun gut na kisim gutpela lainim na tok tenkyu i go long Dijisel Faundes long givim nupela klasrumi go long ol.

Teng Teng Elementer skul na Aviamb Tun em tupela elementeri skul ausait long Maun Hagen we i bin kisim 4-pela nupela haus kapa klasrum bilong ol elementeri skul sumatin olsem helpim skul bilong Dijisel Faundes ol i skruim i kam long dispela nupela skul yia.

Tupela skul i stap 45

minit longwe long Hagen taun. Ol i kisim namba bilong ol elementeri skul

Long namba wan taim tu, ol skul pikinini long Teng Teng na Aviamb Elementeri skul bai amamas long sindaun gut na skul wei gat tu ol laibreri buk long ol i ritim na ol narapela risos moa we ol sumatin na tisa bai lainim long ol na mekim gut wok bilong ol.

Wan wan long ol klasrum em ol i putim 300 laibreri buk, skul blekbot na slet we Hope Wol-waid em wanpela NGOi bin givim. Dijisel Faundeseni bin givim Faundeseni skul bilum, ol eksasais buk na pensil

keis wantaim ol narapela skul steseneri

Planti handret pipel long Teng Teng komyuninitina ol ples klostu i bin go kamap long seremoni taim long Aviamb ol papamama, ol tisa na komyuniti bin bung na amamas long ol singsing na danis samting we ol sumatin i bin putim kamap long selebretim ol nupela klasrum presen Dijisel Faundeseni givim long ol.

Pe bilong dispela foapela klasrum i kamap long K80,000 mak na bai moa long 200 pikinini long tupela eria i skul long en.



Australian Government





NEW ZEALAND
Aid Programme

SCHOLARSHIPS TO AUSTRALIA AND NEW ZEALAND IN 2012

The following scholarships are available to Papua New Guineans to study in Australia or New Zealand in 2012:

- Australian Development Scholarships (ADS) (Public/Open)**
- Australian Leadership Awards Scholarships (ALAS)**
- New Zealand Pacific Scholarships (NZPS) (Public/Open)**

Applicants should note changes to the scholarships awards this year:

- There is a new, combined **Application Form** for Australian and New Zealand scholarships for 2012. A
- Applicants for **Australian Leadership Awards Scholarships** also use this same form.
- All applicants** must submit an Application Form to Scholarships PNG.
- Public category** applicants must submit both a Bid Form to the Department of Personnel Management and an Application Form to Scholarships PNG.
- Eligibility criteria** for scholarships have changed.

Further information is available from Scholarships PNG.

Scholarship applicants must ensure the study they are considering is in line with their qualifications and experience, and consistent with the priorities of the Government of Papua New Guinea. Preferred study areas are: Health, Education (including Higher Education and TVET), Agriculture, Governance and Public Sector Management, Oil and Gas, Mining, Law and Justice, Information Communication Technology, Transport Rehabilitation and Maintenance and Utilities.

Women, people from the provinces, people with disabilities and their carers and associates are encouraged to apply.

It is important that applicants research their proposed courses to ensure they satisfy the requirements of the institutions where they plan to study.

A minimum English Language test score is required by all New Zealand and some Australian institutions. Applicants are advised to know the English language requirements for the course they are considering and be able to meet them. Information on language skills development and practice tests is available on the website www.ielts.org or from Scholarships PNG.

Application forms with further information are widely available from Scholarships PNG, selected PNG Post Offices, the National Training Council, the Department of Personnel Management, University campuses, Provincial Administration Offices, The Chamber of Commerce, the Chamber of Mines and Petroleum and major hospitals.

Further information is on the AusAID website www.ausaid.gov.au/scholar/ and the NZ Aid Programme website www.nzaid.govt.nz/scholarships.

Information sessions will be held in:

Madang (10 March 2011) at Madang Resort
Goroka (10 March 2011) at the Bird of Paradise Hotel
Kokopo (16 March 2011) at Kokopo Beach Bungalows.

Two information sessions will be held on each of these dates, from **10am to noon** and from **1pm to 3pm**.

Applicants are invited to visit the Scholarships PNG Resource Centre at Level 1, Post Office Port Moresby or to forward enquiries to:

Scholarships Coordinator, SCHOLARSHIPS PNG
Telephone 3211766
Email: scholarships@scholarships.org.pg

Or log-on to: www.scholarships.org.pg

Scholarship applications for ADS, ALAS and NZPS close on 31 March 2011.



Yu mas pulap long Holi

JISAS i bin mekim wok long strong bilong Holi Spirit. Jisas i tokim ol disaipel long ol i mas larim Holi Spirit i pulapim ol. Yumi tu i mas pulap long Holi Spirit, dispela tok em i klia olgeta. Tasol nau yumi kamap long narapela kwesten. “Mi mas mekim wanem na bai Holi Spirit i pulapim mi?

1. Holi Spirit i mekim yu kamap Nupela
Taim wanpela man o meri i tanim bel na askim Jisas long lusim sin bilong en, orait Holi Spirit i mekim em i kamap nupela. Jisas i tokim Nikodimas, “Sapos man i no kamap nupela long wara na long Holi Spirit, em i no inap go insait long kingdom bilong God” John 3:5, Efesus 1:13 i tok, “Yupela i pas wantaim Kraiss, na God i bihainim promis em i bin mekim bipo na em i givim Holi Spirit long yupela, olsem mak bilong yupela i stap lain manmeri bilong em stret.” God i givim Holi Spirit long yumi long yumi olgeta Kristen wan wan. Em i stap tisa bilong yumi na strongim yumi. Tasol em i laik go moa yet na pulapim laip na bel na tingting bilong yumi wan wan.

2. Givim baksait long olgeta pasin bilong sin.
Sampela Kristen i ting olsem, “Mi gutpela Kristen. Mi no save stil na mi no save spak na mi no save mekim pamuk pasin. Mi lusim ol dispela pasin pinis.” Dispela em i gutpela, tasol olsem wanem long ol arapela pasin olsem, bel nogut, tok baksait na mangal? Yu ting God i amamas long dispela pasin o nogat? Ol dispela pasin i givim bel hevi long Holi Spirit. Baibel i tok, “Yupela i noken belhevi long Holi Spirit. Yupela i mas rausim olgeta kain pasin bilong bel kros na belhat na bikmaus na tok bilas na olgeta kain pasin nogut. Yupela i mas mekim gutpela pasin long ol arapela Kristen. Yupela i mas lusim sin bilong ol, olsem God i lusim sin bilong yupela long nem bilong Kraiss,” Efesus 4:30-32.

Yu mas prea na askim God long glasim tru bel bilong yu, na soim olgeta samting i no gutpela long ai bilong em. Holi Spirit bai kamapim ples klia olgeta kain tingting na pasin i no gutpela long ai bilong God. Yu mas autim dispela ol sin long bikpela, na askim em long klinim tru olgeta hap long bel na tingting bilong yu, bai yu ken i stap klin tru.

3. Givim yu yet olgeta long God
Jisas i bin givim em yet long diwai kros olsem ofa bilong tekewe sin bilong yu. Long marimari bilong God em i lusim rong bilong olgeta sin yu bin mekim na mekim yu kamap nupela. Nau yu gat bikpela dinau long God. Em i givim nupela laip long yu olsem presen. Tasol bai yu givim wanem samting igo bek long em? Rom 12:1 i tok, “Mi tingting long bikpela marimari bilong God na mi tokaut strong long yupela olsem, Yupela i mas givim bodi bilong yupela long God olsem ofa.” Sapos yu givim bodi bilong yu long God olsem ofa, orait yu noken yusim bodi bilong yu long mekim ol kain pasin nogut.

Rom 6:12 i tok, “Yupela i noken larim sin i bosim bodi bilong yupela. Nogut sin i pulim yupela na yupela i bihainim laik nogut bilong bodi.” Taim yu tanim bel na billip long Jisas, God i lusim sin bilong yu na mekim yu i kamap nupela. Olsem na yu mas givim laip bilong yu olgeta long God na larim em i bosim olgeta hap laip bilong yu. Yu noken bihainim laik bilong yu yet. Nogat! Taim yupela i stap laip bai yupela i stap ol manmeri bilong God stret na bai yupela i mekim ol pasin God i laikim. Yupela i mekim olsem na yupela i ken lotu long God.” Rom 12:1. Husat i sindaun long sia king long bel bilong yu? Jisas i king long laip bilong yu, o yu yet yu i laik i stap bosman yet? Yu mas daunim yu yet, na daunim ol laik bilong yu, na larim God i bosim olgeta hap long laip bilong yu. Sapos yu strong long bosim laip bilong yu yet, orait Holi Spirit i no inap pulapim laip bilong yu. Tasol yu daunim laik bilong yu, Holi Spirit bai i amamas tru long pulapim laip bilong yu.

4. Askim Holi Spirit long pulapim laip bilong yu.
Jisas i tok, “Yupela i ken save tru, Papa bilong yupela i stap long heven em bai amamas long givim Holi Spirit long ol man i askim em.” Luk 11:13, long narapela taim Jisas i bin tok, “Sapos wanpela i dai long wara, orait em i mas kam long mi na i dring. planti wara i gat laip bai i kamap long bel bilong em. Jisas i tok long Holi Spirit man i bilip long em ol bai i kisim laip oltaim.” Jon 7:37-38. Mining bilong tok i olsem, yu mas hangere tru long Holi Spirit olsem wanpela man i nek drai olgeta na i dai long wara. Sapos bel bilong yu hangre tru long Holi Spirit i pulapim yu, orait em bai i pulapim yu tru laip bilong yu. Tasol yu mas daunim yu yet olgeta na larim Holi Spirit i bosim olgeta hap bilong yu. God i no inap givim baksait long prea bilong yu. Em bai i harim. Sapos yupela i bilip na mekim prea, orait olgeta samting yupela i beten long kisim em bai yupela i kisim.” Matyu 21:22.

Paulus Tali i raiitm

SALENS i go long ol sios wokmanmeri long strongim wok bilong ol na ol Kristen i noken go aut long banis bilong sios.

Wanpela biknem loya na Lutheran Sios memba, Kerenga Kua, i wokim dispela salens insait long henova tekova seremoni long nupela presiden bilong Lutheran Sios, Simbu Distrik tupela wik i go pinis. Long dispela taim, hetbisop bilobg Evanjelikel Lutheran Sios long PNG, Reveren Giegere

Wenge na delegesen bilong em long sios het opis long Lae i bin stap tu long sios seremoni.

Taim Mista Kua i autim tok amamas long olupela presiden, Dary Boyd, i go aut long gutpela wok em bin mekim long tupela tem bilong em, em bin tok welkam tu long nupela man i kisim ples huisat bai skruim wok i go moa yet.

Mista Kua i bin tok olsem pikinini man bilong Simbu Lutheran Distrik, em bai sapotim wok bilong sios long gutpela taim na long taim nogut.

Em bin tok taim nesenel Lutheran Pas-

tos konprens i kamap long Papua Distrik long mun Septemba long dispela yia, em bai givim sapot bilong em tu.

Mista Kua i bin singaut i go long ol Simbu Lutheran Kristen long putim moa ofa na bai dispela i sapotim gut ministri bilong sios long mekim ol wok bilong em.

Long wankain taim tu, memba bilong Kundiawa/Gembogl em Joe Mek Teine i bin tokim ol Lutheran Kristen long Simbu olsem em bai sapotim sios long Simbu.

Tingim Pop John Paul 2

Long dispela laspela hap, Swis Gad Kepten, Roman Fringelli, i pinisim stori bilong em long wokabout wantaim nau i dai hetman bilong Katolik Sios, Pop John Paul 2 long wol na wok lukaut em i givim taim birua i kamap.

FRINGELLI i tok dispela i bin kamap hariap stret tasol dispela em i wok long sekyuriti i stap klostu long Pop long lukautim em, tasol dispela i bin kamap hariap stret. Tasol long em yet, em i tok em inap long blokim meri na em bai no inap kamapim dispela sekyuriti hevi. Tasol em i tok tude, sekyuriti bilong Vatiken i moa gutpela na strongpela skelim wantaim long taim bilong em.

Fringelli i gat planti gutpela memori long Pop John Paul 2 na em i amamas long harim nius bilong santuim em.

“Long mi, Pop John Paul 2 i wanpela santu Pop-olsem ol Pop long laspela tu na 300 yia i go pinis. Tasol em i tok Pop John Paul 2 i bin gat bikpela luksave long Mama Maria na em tasol i bin was long en na sevim em long 1981 taim wanpela man i sut long en.

“Em i mesenja bilong pis o belgut pasin. Sampela i tok i bin moabeta sapos Pop John Paul 2 i stap moa long Vatiken na i no raun long wol. Tasol long Pop, dispela ol raun i no raun nating, nogat. Wok progrem bilong em i save stat long moning inap long leit apinun. Em i tingim tu long kantri Zambia long Afrika we sampela pipel i bin wokabaut long sampela de i go long Zimbabwe bilong lukim Pop long wanem, ol i no inap go long Rom na lukim em, tasol dispela em sans bilong ol na ol i no wari,

tasol wokabaut i go long longwe hap long lukim em.

Fringelli i tingim Pop John Paul 2 i save tok tenkyu long ol sekyuriti bilong em long pinis bilong wanpela wokabout.”Long yangpela bilong en, Pop i save mekim wokabout wantaim nogat tok-save tumas bai ol samting i go olsem wanem.

Olsem na sampela taim, bai em i raun wantaim nogat gutpela bodigat. “Sampela taim em i bin hat long raun wantaim Pop bikos yu no save em bai mekim ol samting i no stap long progrem. Tasol eksperiens i ken helpim yu gu tru,” Fringelli i tok.

Tasol long em yet, Fringelli i tok maski ol kain kain samting i save kamap long ol wokabaut bilong Pop, em i laikim na i amamas na bai tingim ol memori olgeta taim. “Em i narakain, tasol mi no

save les. Long taim mipela i wokim ol raun, mi save taiet, tasol taim em i pinis, mi save oltaim tingting neks wokabout bai olsem wanem. Em i olsem yu kisim drag o spakrus marasin,” Fringelli i tok.

Fringelli i tok amamas long tupela bikman long Vatiken husat i save go pas long ol wok bilong redim ol 104 wokabout bilong Pop John Paul 2 long wol. “Kadinel Roberto Tucci i bin wok long dispela eria longpela taim stret em i wanpela “gutpela man tru.

Wankain tu long Kadinel-Camilli Cibin, nau i dai polis gad bilong Vatiken husat i bin skruim wok long lukautim Pop inap em bin gat 80 kris-mas.

“Sapos dispela tupela man i no stap, em bai hat long Pop i mekim ol wokabaut long wol,” Fringelli i tok.

Anglikan na Katolik bung long mun Me

I kam long Zenit Nius Ejensi, Vatiken

ANGLIKEN na Roman Katolik Intanesenel Komisin (ARCIC) bai opim nupela level bilong toktok insait long wanpela miting bai go het long tupela wik long mun Me dispela yia.

Bung bai stat long Me 17 na pinis long de namba 27.

Wanpela komyunike o tok-tok i kam long Pontifikal Kaunsel bilong Promotim Kristen Yuniti (PCPCU) i tok dispela nupela level bilong wok em Pop Benedict 16 na Anglikan bisop bilong Kanteberi (Cantebury), Rowan Williams i bin wanbel na tok oraitim insait long wanpela bung bilong ol long Novemba 2009.

Namba wan hap bilong bung bai kamap long Bose Monasteri long noten Itali.

Komyunike i tok dispela namba tri level long ARCIC bai karamapim ol bikpela kwesten i sut long “Church

as Communion- local and universal” o ol sios i wok bung wantaim long lokol na yunivesel level. Na long rot we lokol na yunivesel sios i ken autim ol stretpela skul long ol skul na bilip bilong sios.

Komyunike i tok dispela ol topik i kamap bihainim komon deklaresen bilong Pop na asbisop bilong Kan-teberi.

Ko siaman bilonh dispela level bung em Asbisop Bernard Longley bilong Birmingham (Birmingham), Inglan na Anglikan Asbisop David Moxon bilong ol daiosis long Nu Silan.

Ol Katolik memba bilong ARCIC em Oksileri Bisop Arthur Kennedy bilong Boston; Paul Murray, em profesa bilong tioloji na rilijen long Durham University long England; Janet Smith em profesa bilong moral tioloji na Pater Michael J. McGivney husat i sia long Laip Isus long Sekret Hat Meja

Seminari long Detroit, Michigan; Redemptorist Pater Vimal Tirimanna em profesa bilong sistematik moral tioloji long Alphonsianum Yuni-vesiti long Rom; Benedictine Pater Henry Wansbrough bilong Ampleforth Abbey, England; Sister Teresa Okure bilong Sosaiti bilong Holi Child Jesus, long Katolik Institut bilong Wes Afrika, Nigeria; Pater Adelbert Denaux, pastaim profesa bilong Katolik Yunivesiti long Leuven, Belgium.

Ol Anglikan memba i gat long em: Paula Gooder, em kenon (canon) tiolojen bilong Birmingham Katitrel, England; Bishop Christopher Hill bilong Guildford; Reveren Mark McIntosh, Van Mildert kenon profesa bilong divinity long yunivesiti bilong Durham, Inglan; Bishop Nkosinathi Ndwandwe bilong Natal, Saut Afrika; Eria Bihop Linda Nicholls bilong episkopol eria bilong Trent-Durham long the Daiosis bi-

long Toronto; Reveren Michael Poon bilong Trinititi Tiolojikel Kolis long Singapore, Reveren Canon Nicholas Sagovsky em ritaia tiolojen long Westminster Abbey, England; na Reverend Peter Sedgwick em prinsipel na woden bilong Santu principal and warden of St. Michael's College, Llandaff, Wales.

Reveren Charles Sherlock em pastaim rejistra long Melbourne Kolis bilong Divinitati long Australia bai kamap olsem konsalten bilong ARCIC.

Toktok i kam long Vatiken i tok dispela level bilong ARCIC bung i gat ol intanesenel membasip husat i kam long ol kain kalsa na ples na kisim i go long komisin ol nupela tiolojikel save.

Dispela opisel wok bung wantaim we pontifical kaunsel na Dipatmen bilong Yuniti, Feit na Oda bilong Anglikan Komyunien i wok i stap moa long 40 krismas pinis.



TOK PISIN NEWS
from Radio Australia
radioaustralia.net.au



Harin TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Intanesenel wok helpim i stat pinis long ol boda bilong Libya

OL intanesenel wok helpim i kamap bikpela nau taim planti tausen pipel i wok long lusim boda bilong Libya i go insait long Tunisia, long ronawe long ol trabel long hap.

Samting olsem 30 tausen refuji, planti bilong ol bilong Isip, nau stap pas long Tunisia.

Na dispela yet i givim bikpela hevi long gavman bilong Tunisia bikos ol i no nap long helpim bikpela namba bilong ol pipel.

Ol Intanesenel rilip ogenaísesen, wantaim tu UN Refuji Ejensi na UNHCR i bin bringim ol ten na ol arapela samting long kirapim ol haus kandis kem.

Long wankain taim, ol plen bilong ivekuesen bilong kisim aut long ol wokmanmeri, nau i stap long ful spid.

Long Sande, ol i bin kisim moa long tri tausen bilong ol i go bek long ples bilong ol long 17-pela spesol ron bilong balus.

Tasol long boda mak, i gat yet planti tausen ol pipel i wetim helpim.

Long namel taim, Saina i tok em i helpim pinis klostu long 29 tausen ol sitisen bilong en long Libya.

Samting olsem 2 na hap tausen sitisen bilong Saina i go bek pinis long kantri taim narapela 23 tausen bilong ol, ol i salim ol i go long Gris, Malta, Tunisia, Sudan na Yunaitet Arab Emirates, we ol i wok long wetim ol balus i go bek long kantri bilong ol.

Fiji leba minista tokaut long pe rais bilong ol faktori wokman

LEBA Minista bilong Fiji, Filipe Bole, i tokaut olsem em i tru ol i apim pe i go antap long 10 pesen insait long 'minimum wejes' bilong ol faktori laplap wokman long kantri.

Leba Minista i bin mekim dispela toktok insait long wanpela stetmen we em i tok, ol gament o laplap ona o bos bilong faktori i bin mekim bikpela senis long peim ol woka bilong ol stat long seven pesen em Tekstail, Clothing na Footwear Council i bin tokaut long en i no long taim i go pinis.

Mista Bole i tok ol senis ol faktori bosman i bungim i wanpela gutpela sain o mak olsem ol i luksave long wok bilong ol long lukautim ol wokman bilong ol, na tu, go het bilong kantri long bisnis.

Nu Kaledonia sensus i soim helt bilong ol pipel i kamap gut

2009 Sensus bilong Nu Kaledonia i givim sampela bikpela senis long sosaiti bilong ol.

Ol senis long sensus i soim i gat yet bikpela gep namel long ol ris pipel namel long not na saut bilong kantri namel long ol Kanak na ol senis long sensus i soim i gat yet bikpela gep namel long ol ris pipel namel long not na saut bilong kantri namel long ol Kanak na ol Yuropien lain.

Tasol i gat sampela gutpela man i kamap long sait bilong edukesen, wantaim moa pipel, ol i painim nau i wok long pinisim skul bilong ol. Long bipo, planti i no bin pinisim edukesen bilong ol.

Alexandre Gautier, Dairekta bilong Nesenel Institut ov Statistiks na Ekonomik Stadis insait long Nu Kaledonia, i tok Nu Kaledonia tu i bungim wanpela 'helti populesen groa', we i minim mak bilong karim

Isip refuji lusim Libya...



RONAWE: Planti tausen manmeri bilong Isip husat i stap long Libya, nau ol i ronawe lusim kantri na wet long boda bilong Libya na Tunisia.

pikinini i wok long kamap orait.

NZ praim minista itok aut long 120 million dola aid bilong ol viktim

PRAIM Minista bilong Nu Silan i tokaut long tilim wanpela 120 milian dola halivim mani long halivim olgeta lain i bungim bagarap insait long narapela 6-pela wik i kam.

Ol opisal i bilip samting olsem 42 tausen pipel bai no go bek long wok bikos long dispela guria, we em i bagarapim 750 bilding insait long senta bilong siti.

Mista Key i tok em i laik givim mani kwik taim i go long ol pipel i bungim hevi.

Em i toke m i plen long askim ol bikpela selebriti olsem tok so hostes Oprah Winfrey na David Letterman long promotim wanpela sariti fanresing bilong ol pipel i kisim bagarap long dispela guria na ol wokbung bilong kirapim gen Christchurch.

PNG polis i tok pasin bilong kilim na kukim bodi i wanpela pasin nogut

PAPUA Niugini polis i tok pasin long kilim dai na kukim bodi bilong wanpela meri long paia, bihainim ol toktok olsem em i wokim pasin sanguma olsem 'wanpela pasin nogut stret'.

Metropolitan Polis Komanda bilong Lae

siti, Nema Mondiai i tok ol man wantaim karamap long pes bilong ol i bin pulim meri ya aut long haus bilong en na kilim em long Fraide.

Em i tok bihain dispela ol man i kapsaitim petrol oa kerosin long bodi bilong en na kukim long paia wantaim ol olupela taia bilong kar.

Em i tok dispela em namba tu taim kain hevi i kamap we long las yia ol i kilim na kukim tripela meri long paia long dispela ples yet, em tu mail setolmen long Lae siti yet.

Mista Mondia i tok ol i save long dispela ol 'meda saspek' na klostu bai ol i arestim ol.

Em i tok ol i sutim tok long meri ya long indai bilong wanpela hai skul meri husat i bin dai long mun i go pinis.

Ol wol foren minista paitim toktok long ol hevi long Libya

OL foren minista raun long wol i miting insait long Jeniva long toktok long we ol bai givim ol strongpela mekimsave long Libya.

US Sekreteri ov Stet, Hillary Clinton, i stap nau long Jeniva long wanpela de raun bilong em long lukim ol poro kantri i wokbung wantaim long stopim Libya lida Kenol Moamar Gadaffi.

Bikpela isiu em UN senksen o ol tambu ol i laik mekim i go long Libya lida bai tok ajenda long miting, wantaim ol wokbung bilong ol humanitarian helpim i go long ol pipel.

Frans i salim tupela balus pulap long ol marasin i go long siti bilong Benghazi, em i stap long is bilong Libya. Dispela siti nau i stap long han bilong ol oposisen, makim stat bilong ol wok helpim i go long ol pipel.

I gat bikpela wari long ol rip long Fiji

WANPELA ripot i tok olsem ol rip long Fiji i stap namel long ol narapela rip long wol em bai nap bungim bikpela hevi tru.

Wanpela nupela ripot i soim olsem 75 pesen long olgeta rip long wol, nau i luk olsem bai bungim bikpela hevi o ol bai bagarap long wanem long ol narapela hevi planti kantri i save kamapim.

Dispela nupela ripot i soim olsem 75 pesen long olgeta rip long wol, nau i luk olsem bai bungim bikpela hevi oa ol bai bagarap long wanem long ol narapela hevi planti kantri i save kamapim.

Dispela ripot i tok olsem sampela long ol dispela hevi, em olsem ol i save kirapim ol haus na ol wok bisnis o developmen klostu long ol solwara, ol i save painim na kisim planti pis tumas oa na tu mak oa namba bilong ol pipel i save go antap na ol dispela ol samting bai nap bagarapim 60 pesen long ol rip.

Sapos ol i no mekim wok bilong daunim ol dispela hevi, samting olsem 90 pesen long ol rip bai nap bagarap pastaim long 2030 na klostu olgeta rip bai bagarap o pinis long 2050.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Traim sampela nupela senis

KAIN KAIN tingting bai kamap nau long wanem as na tripela ovasis jas o waitman bai sindaun long harim na skelim dispela Lidasip Traibunel Kot bilong Praim Minista Gren Sief Sir Michael Somare.

Sampela bai askim, husat tru i makim ol dispela tripela ovasis jas ya. Na bilong wanem na Papua Niugini painim ol jas go long ovasis long harim Kot bilong yumi?

Em ol sampela kain askim we planti savemanmeri na ol pipel bilong Papua Niugini bai askim. Tasol bikpela samting em yumi mas save olsem, wok bilong Kot o Judiseri em mas sanap em yet. No inap wanpela pawa bilong gavman i daunim o tanim tanim wok bilong em.

Tasol bikpela askim em bilong wanem na kisim ol ovasis na ausait jas taim long Papua Niugini yet yumi gat inap jas pinis. Ating em yumi lukdaun long ol jas bilong yumi olsem nogut ol no mekim gutpela disisen long dispela Kot bilong Praim Minista Sir Michael Somare. O sapos ol mekim gutpela disisen tu bai yumi tok



wanem? Gutpela disisen em gutpela long sampela na nogut long sampela. Nogut disisen em nogut long sampela lain na gutpela long sampela lain.

Yumi no inap long skelim na kamap jas long ol Jas bilong Kot. Ol i gat wok bilong ol long mekim olsem na yumi wanbel tasol olsem dispela Lidasip Traibunel Kot mas kamap na pinis bai kantri ken save long politiks bilong yumi i ron olsem wanem na wanem wok ol lida mas mekim long stretim na stiaim politiks bilong kantri bilong yumi.

Kot bilong Lidasip Traibunel em bilong ol lida lain olsem ol memba bilong palamen na ol minista, ol seketeri bilong ol Gavman Dipatmen, ol Menesing Dairekta bilong ol gavman bisnis olsem Telikom, PNG Power na arapela moa. Sapos ol i no mekim wok bi-

long ol stret o rekot bilong mani na wok bilong ol i no stret, orait dispela Kot i mas kamap na skelim ol.

Nogut planti tok i no gutpela long kisim ol ovasis o ausait jas i kam long harim dispela Lidasip Traibunel Kot bilong Sir Michael Somare bikos yumi gat inap jas pinis long kantri.

Tasol ating dispela disisen em bilong Sief Jas tasol na i no bilong narapela lain. Ating em yet i gat dispela pawa bilong makim ol jas na komiti bilong harim dispela Lidasip Kot. Olsem na bai yumi tok wanem gen sapos em gat pawa long mekim dispela.

Ating em bai gutpela long harim nek bilong ol ausait jas i skelim kain pasin, stail na wok bilong yumi long Papua Niugini. Gutpela long ol ken luksave long wanem kain politikel sistem we ol sevis na developmen save ron long en go daun long ol pipel. Wanem kain rot yumi save kamapim ol lida bilong palamen na ol bosman bilong ol gavman opis.

Gutpela long larim sampela ausait jas i harim Kot

bilong yumi wanpela taim tasol bikos olgeta taim em yumi yet long PNG save mekim olgeta samting. Ating sampela kain senis olsem inap opim ai na tingting bilong yumi long ol sampela nupela rot we i stap long yumi ken ranim ol gavman sistem bilong yumi long en long bihain taim.

Kain olsem, larim sampela ovasis lain husat gat ol eksperiens na save long wok long kam helpim ol Gavman Dipatmen bilong yumi we i save gat planti bikpela wok i stap na holim ron bilong ol sevis long go gut long ol pipel. Sapos save pablik sevis wok i no ron gut, moabeta sampela ovasis lain husat i ken mekim kain wok long kam mekim bai yumi ken lukim sampela sevis i ron go daun gut long ol pipel. Nogut olgeta sevis i pas pas long het long Waigani opis tasol bikos nogat man long karim sevis go daun.

Em taim bilong senis olsem na yumi traim ol kain senis olsem. I gat gutpela mak bilong em i stap.

WANTOK KOMENTRI

Tingim ol yangpela, tumora em bilong ol

DISPELA wik Yunaitet Nesens i bin autim nupela ripot bilong em long sindaun bilong ol pikinini long olgeta hap long wol.

Insait long dispela ripot bilong 2011, ol givim luksave long ol yangpela manmeri, husat i lusim mak bilong pikinini, na husat i wok tingting na luksave moa long stap na sindaun bilong ol insait long kantri bilong ol.

Wol long dispela taim, i bungim planti salens, na karim planti hevi.

Planti long ol yangpela bilong yumi tude, bai stap sindaun insait long kantri mipela bai stretim na lusim bilong ol long bihain taim.

Em bai wanem kain kantri tru? Na yumi long Papua Niugini i wok mekim wanem kain gutpela samting bai ol pikinini bilong yumi i ken gat gutpela sans long sanap strong olsem ol lida bilong tumora?

Yumi lukim pinis ol birua bilong ol bikpela risos projek. We nau dispela hap tok 'LNG' i pas long maus bilong olgeta manmeri.

Wantaim dispela hap tok, i gat bikpela tingting i stap long het bilong planti ol papagraun, olsem em i wanpela rot bilong kisim bikpela mani tru.

Insait long olgeta wok na nius bilong LNG i wok kamap long pinis bilong las yia na i kam painim nupela yia, i nogat wanpela wok i kamap we i soim olsem ol papagraun i wok tingim sindaun bilong ol yangpela bilong ol long bihain taim.

Nogat tru.

Gavman i bagarapim pinis tingting bilong ol pipel. Asua em i stap long em yet.

Long taim bilong toktok na tok klia long ol papagraun, ol i no givim inap taim. Watpo na ol i no laik wok isi isi na stretim gut na tok klia long olgeta samting insait long dispela LNG projek?

Bikos ol i wok harim toktok na bihainim askim bilong ol bikpela kampani i wok insait long dispela bikpela risos projek bilong kantri.

Pasin bilong tingim ol lain pikinini na tumbuna bilong yumi, em i mas gat moa sapot.

Gavman i noken tingting tumas long winmani bilong ol risos tasol, na lusim tingting long sindaun bilong kantri na ol pipel bilong en long bihain taim.

Sapos olgeta gris bilong graun long kantri bilong yumi i pinis, bai ol pikinini bilong yumi i sanap olsem wanem? Yumi mas senisim pasin nau!

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

PULAPIM TRU TRAK

EM I NO WANPELA GEM

NOKEN PULAPIM MOA LAIN LONG PMV

RIDIM OL LIMIT SAIN

OI PMV we i pulap winim mak o limit em wanpela long bikpela samting we i save kamapim dai long PNG olgeta yia. Sapos yu wanpela draiva o pasindia na save olsem PMV i pulap tru na winim mak stret yu putim birua long laip bilong yu na arapela pasindia. Em taim nau long tingting strong long ROT SEFT – em i no wanpela PILAI

25MAX.
licensed capacity

OR

15MAX.
licensed capacity

ROT SEFTI

em i no wanpela PILAI

A road safety initiative by

Motor Vehicles Insurance Ltd





Oi rebel paitman patrol
RAUN SEKIM: Oi lain ami paratrupa bilong Libya husat i bin lusim gavman na sanap wantaim ol anti gavman paitman i patrolim isten siti Benghazi.



Wan wik trefik pas long Indonesia
NONAP MUV: Oi draiva bilong ol bikpela trak i sindaun malolo klostu long ol trak bilong ol. Oi i no inap muvim kar bilong ol. Oi i stap olsem moa long wanpela wik pinis. Long ples Merak, ol kar sanap lain 11 kilomita, na samting olsem 2,000 trak i stap long en.



AMI DOK: (rait) Nem bilong dispela stail mangi em Rhino (Raino). Em i wanpela liklik Alsesen o jemen sepat dok bi-long Royal Australia Efos (RAAF) aninit long 'Romeo' program bilong ol long Amberley long westen sait bilong Brisbane. Raino i gat 8-pela brata; Raptor, Razor, Rolly, Roman, Reaper, Ripper, Raven na Riley. Oi i gat 15 wik tasol na ol i wok long stap wantaim ol soldia pastaim long ol i go insait long trening program bilong ol.

GRAUN BRUK: (lep) Oi pipel i wok-about long rot i bagarap olgeta bi-hain long wanpela graunbruk long Kupini na Valle de las Flores distrik long ples La Paz, Bolivia. Oi bikpela ren i kamapim ol dispela graun bruk long Februari 27, na i kilim tupela manmeri, na bagarapim planti arapela. Sampela handret haus i bagarap.



Melbon pipel autim belkros long Libya

BELHAT: (rait)OI sumatin bilong Libya husat i stap long Melbon, Australia i protes ausait long konsulet bilong Italy long Tunde las wik. Oi i bin autim belkros bilong ol long pasin ol i tok Italy i mekim taim em i wokbung wantaim gavman bilong Libya. *Poto i kam long AAP Images*



Nupela drama pilai kempein



LONS BAI HELPIM PNG: Ekting Yunaitet Nesens Kodineta long PNG, Bertrand Desmoulis i toktok long lonsim kempein program long Ela Nambis.

Veronica Hatutasi i raitim

PNG NAU i ken harim tupela drama pilai ol yangpela yet bilong yumi i raitim kamap na ektim olsem awenes bilong helpim kamapim gutpela sindaun, daunim ol sik olsem AIDS, pasin turangu na ol rait bilong pipel long kantri.

Dispela i kamap wantaim helpim bilong wanpela Non Gavman Ogenaisesen em Populesen Midia Senta (PMC) na Yunaitet Nesens (UN).

Tupela ogenaisesen i mekim dispela bikos ol i laikim bai PNG inapim ol Milenium Dvelopmen Gols (MDG) we ol kantri long wol i mas inapim 8-pela Gol, pastaim long yia 2015.

PNG em i wanpela long ol kantri we ol lida i bin sainim ol MDG long yia 2000 olsem inap yia 2015, ol i mas inapim ol 8-pela gol i sut long olgeta pikinini i mas go long skul, helt bilong ol mama na pikinini i mas gutpela taim ol kantri i daunim mak bilong ol pikinini i save dai we krismas bilong ol i aninit long 5-pela yia na tu, ol mama i karim bebi na dai. Tu, luksave long ol meri i gat wankain rait olsem ol man, putim ol pikinini meri long skul, daunim pasin bilong paitim na mekim nogut long ol meri, daunim AIDS, daunim pasin turangu na ol narapela moa.

Taim ol yia i wok long ron hariap na yia 2015 i wok long kam klostu, piksa long

PNG i sut long ol MDG i no gutpela tumas. Maski kantri i gat planti naturel risos na mani long ol maining, wel na ol narapela eria, ol mani we kantri i kisim long ol risos i no helpim long kamapim gut laip na sindaun bilong pipel long wanem, mani i paul long top lidasip we planti long ol lida stilim mani na i no yusim gut dispela mani long ol wok dvelopmen na sevis.

Tru, i gat gutpela piksa liklik long sampela eria olsem mak bilong ol pikinini i go long skul na ol i stap skul i wok long kamap orait, tasol PNG i no inapim gut yet wanpela long ol 8-pela gol. Olsem na PMC i kirapim opis long PNG long mun Mas las yia wantaim bikipela tingting long helpim kantri long in apim ol MDG.

PMC i lukim olsem ol drama pilai i wanpela gutpela rot we ol manmeri i kisim skul, lainim samting long helpim ol i abrusim ol samting i no stret o i no gutpela na ol i ken wok long kamapim gut laip na sindaun insait long famili, komyuniti na kantri. Na long PNG na ol arapela kantri we PMC i stap wok long en, em i yusim redio long kisim mesej o tok stia i go aut long pipel bikos pipel long ol longwe ples na ol liklik viles i save harim redio.

Long kirapim stret wok bilong ol i sut long ol MDG, PMC wantaim helpim bilong ol UN ejensi long PNG na moa yet, UN Populesen

Fan, na Kolget Pamoliv (Colgate-Palmolive) i bin lonsim ol kirapim MDG redio kempein long Ela nambis long Mosbi wanpela wik i go pinis.

Tupela redio pilai drama ol i lonsim bai ron long tupela yia inap long Disemba 2012. Na PMC i makim redio stesen, FM100, olsem dispela stesen we bai kamapim ol redio drama pilai insait long tupela yia.

Tupela pilai i kamap long FM100 redio stesen long tupela nait insait long wanpela wik. Em long Tunde na Fonde nait. Long 8.20 pm, tok Inglis pilai drama, Echoes of Change, i kamap taim long 9.30 pm, Tok Pisin stori, Nau em Taim, i kamap. Las wik Tunde i harim namba wan hap bilong tupela pilai i kamap.

"Dispela ol redio drama pilai i bilong kamapim senis long pasin na tingting na strongim ol toktok long ol sosel isu we ol pipel i save bungim olgeta de long laip, wok na stap bilong ol. Rot we ol drama pilai long redio na TV we PMC i save kamapim long wol na i go gut i save yusim "transitional character" o namel man husat i save tubel sapos em bai bihainim ol gutpela rot long "positive" man o rot i no gutpela long "negative" man husat i save tingting long samting nogut bai kamap," Dairekta bilong PMC, Betty Oala i tok long taim bilong lons.

Stat long taim PMC long PNG i kirapim opis long mun



KOLGET

SAPOTIM:

Bosman bilong Kolget Pamoliv, Rocky Acot, i toktok taim ol Kolget mascot i sanap long sait sait soim sapot i stap.

OL POTO:

Betty Oala, PMC Dairekta

bai helpim MDG...

... Stat long FM 100 las wik

Mas las yia, em i karimaut ol wok risets, trenim 15-pela yangpela pipel i kamap ol raita, rekodim na testim ol pailot "episode" o ol hap pilai, trenim gen ol raita long stretim gut gen ol pilai ol i raitim inap ol i wokim gut na kamap wantaim moa long 200 hap bai ron long tupela awa long tupela nait insait long wan wan wik inap long tupela yia.

"Ol lain i raitim ol stori na ol ekta em ol yangpela pipel bilong yumi yet long PNG na bringim drama pilai i kam laip long studio bilong FM100. Tru, gutpela wok i kamap long raitim ol stori, ektim, rekotim na brotkas, mi bilip olsem long ol pilai drama i karim kaikai taim ol i kamap long redio na bihain taim em i pinis long neks yia. Bai gat wok risets bihain ol drama pilai i kamap long painim aut hamas pipel i harim na bihainim ol nas helpim ol long senisim pasin na kamapim gutpela samting long ol yet n a ol famili bilong ol. Dispela tasol bai tokim yumi sapos drama pilai i kamap gut na helpim pipel," Mis Oala i tok.

Poveti o pasin turangu we ol dispela pilai drama bilong PMC i laik etresim i kamapim hevi long ol manmeri na pikinini bilong dispela kantri. Na pasin we populesen long PNG i wok long go antap hariap tru, pasin bilong paitim na bagarapim meri, planti pikinini i no go long skul na moa pipel i kisim AIDS i kamap olsem banis long PNG em inapim ol MDG. Olsem na PMG i helpim wok bilong UN long PNG inapim ol 8-pela MDG gol long rot bilong strongim ol meri na ol gels bilong luksave long ol rait bilong ol i ken tok yes o no long slip wantaim man, long plen taim ol i laik karim pikinini na long abrusim AIDS na ol sik we pipel i bungim taim ol i gat planti poroman. Na tupela pilai ya, Echoes of Change na Nau em Taim bai helpim long luksave long ol dispela na rot bilong bihainim long daunim ol hevi.

Long wankain taim tu, ol program bilong

PMC i strongim pipel olsem long sait bilong wokim gaden, ol i mas bihainim gutpela rot long noken bagarapim bus graun na wara bikos dispela em i laip bilong ol pipel na ol samting i stap insait long ol.

Tupela pilai drama i em ol i beis long tripela namel man na ol kain hevi ol i bungim olgeta de long sait bilong turangu pasin, vailens o paitim na bagarapim meri, sais bilong famili, edukesen, husat i papagraun, dring na spakbrus, HIV/AIDS na disisen manmeri i mas mekim long pasin bilong poroman, ol p[atna na slip wantaim man.

Ol lain i harim ol pilai bai harim na lainim long ol ekspiriens bilong ol ekta long famili plening, abrusim ol pasin bai kamapim hevi long seks laip, kisim skul long ogenaism ol samting long komyuniti, lukautim envaironmen na kamapim gut sindaun bilong ol meri insait long komyuniti. Ol drama pilai ya i ken kamapim bikpela senis long laip. Ol man i harim ol stori long program bai skelim na glasim laip bilong ol na kamapim senis long laip bilong ol.

Namba wan hap (pat 1) bilong Nau Em Taim i gat stori bilong Aiva em smatpela yangpela meri i gat 18 krismas na i kam long namel klas level famili na i wok hat long skul bilong em. Kasen na gutpela poroman bilong em, Luana i wanpela soka pilaia na planti lain long skul i save long en na Aiva i save lukluk long em long helpim em. Tasol Aiva i painim wanpela boipren, Luka, husat i kisim Aiva long laip bilong

pati, dring na slip wantaim i no yusim samt-ing bilong lukautim em. Dispela i mekim em i no wokim gut long skul wok na prensip wantaim Luana i bagarap. Na taim Luka i pulim em yet long pait na dring, Aiva i painim hat tru long inapim driman bilong em.

Olgeta hap stori i gat ol samtign bilong lainim long en na i gutpela long putim yau

long dispela tupela program olgeta Tunde na Fonde nait long FM100.

Bosman bilong Kolget Pamoliv long PNG, Rocky Acot, i kamapni i amamas long kamap olsem hap bilong dispela kempein bai kamapim gutpela senis long laip bilong ol pipel long PNG na moa yet, ol meri na pikinini.



OL RAITA NA WOKLAIN: Hia em ol yangpela PNG raita na woklain bilong PMC husat i bin raitim ol stori long tupela pilai drama.

OL TOK PISIN RAITA: Hia em ol lain yangpela i raitim pilai drama long Tok Pisin.



TORO



BIABIA



KANAGE



TOKWIN

Stap wantaim dinau...

Sampela ol wokman meri bi-long gavman na ol bisnis haus long Mosbi em laip bilong ol i stap long dinau moni. Pei bi-long ol save go long peim ol dinau oltaim na planti taim bai yu lukim ol dispela lain i luk olsem ol sikman manmeri i go kam long wok. Ol lain bi-long salim buai na simuk i save sindaun na lukim ol dispela wokman meri na tok "Ol

hatwok nating na dres ap gut, tasol ol wok mani bilong mipela ya".

Eriku bagarap long stil pasin...

Eriku bas stop long Lae em ples bilong ol stilman husat i save sanap na stil long ol wokman meri na ol lain husat i laik kalap long bas. Ol lida bilong Morobe husat save toktok tumas long politiks i stap we? Ol mas stretim dispela hevi

bikos planti pipel bungim hevi pinis.

Giaman long wok na pilai kompyuta ...

Sampela wokman long ofis save giaman tru olsem ol i wok. Tasol planti tai mol save sindaun na giaman lukluk long kompiyuta tasol. Samting tru em ol pilai kompiyuta gem i stap. Sampela i save harim musik olgeta taim na i no save mekim wok.

Tokwin Tasol...

T	A	R	A	G	A	U	B	I	L	O	N	G	N	A	I	T
A	E	J	M	S	I	L	P	E	D	R	C	B	N	A	Y	L
J	K	P	O	I	E	S	E	J	K	U	M	U	L	R	I	P
N	A	U	R	K	A	L	A	N	G	A	R	N	I	O	I	D
F	K	E	S	D	E	P	A	T	M	I	L	E	R	S	O	S
R	A	R	U	K	O	K	O	M	O	R	U	S	I	O	P	K
Y	R	I	N	L	T	P	P	I	O	E	A	N	X	K	N	O
G	U	R	I	A	I	A	H	I	E	R	T	S	W	A	L	K
E	K	S	I	U	U	H	R	E	G	I	A	M	N	V	S	I
W	I	W	B	C	J	I	L	A	R	T	P	I	P	I	V	D
S	J	G	P	A	T	O	L	A	G	Z	C	B	T	V	I	F
I	H	J	D	O	N	E	S	F	E	A	U	A	O	I	V	B
A	B	M	K	E	P	R	S	F	R	Y	U	L	I	O	P	U
N	V	T	L	T	R	D	K	A	K	A	T	U	B	N	I	K
A	O	S	I	W	T	F	C	N	L	U	P	S	E	S	O	A
K	F	A	U	A	S	I	A	D	G	J	K	L	P	I	T	O
A	W	E	B	S	U	B	G	N	O	L	I	B	L	U	A	P

Painim ol dispela nem bilong ol pisin:

PISIN	KUMUL	PAUL BILONG BUS	KAKARUK	KAKATU
KOKI	BUKA	KOTKOT	GURIA	SELA
BALUS	PATO	WAITPELA GRAS	TARAGAU	KAVIVI
KOKOMO	KALANGAR	TARAGAU BILONG NAIT KANAI	PIDI	

	4		9					3
		8	6				1	9
	9	1					5	2
1	2		7	4	9		5	
	7		5	6	1		3	4
2		7					4	8
5	8	6			3	9		
9					2		7	

9	5	4	6	1	7	8	3	2
2	3	6	8	9	4	7	1	5
7	1	8	5	3	2	6	9	4
3	8	1	9	4	6	2	5	7
6	9	2	7	8	5	3	4	1
4	7	5	3	2	1	9	6	8
1	4	3	2	7	9	5	8	6
5	2	9	4	6	8	1	7	3
8	6	7	1	5	3	4	2	9

Ansa bilong las wik Sudoku

Ansa bilong las wik Pasol

K	U	N	A	E	K	A	B	I	S	E	K	E	A	U	B
T	A	R	A	C	A					O	U				M
B	A		F		E		K		M	K		A			
A	O		K	O	A		A		O	K	L	U	M	R	
N	B		I	B	Z		O	N		K		I			
A			A	O		N		A		A	N	T			
N			I	I		K	U	L	A	U	S		M	E	A
A			E				F				B	K			
K	O	N	I	F	E	T	R	I	T		G	A	M	O	
E			K							N	A		A		
I			A	N	E	N				E	L	F	E		
N							L			I			A		
			V	A	M	B	O			E	K	A	I	F	A
D	I										O	T	E	T	O
R	F	L	A	V	L	A	U							N	
I	O										M	A	N	E	O
P	K	O	F	B	A						K	A	W	A	W

EMTV Television Guide

10.30PM G HILLSONG	DATE	9.00AM EMTV PRIME TIME LINE	10.30PM G EMTV NEWS REPLAY	5.00PM G MILLIONAIRE HOT SEAT
11.00PM G NATIONAL EMTV NEWS REPLAY	5.30PM G MILLIONAIRE HOT SEAT	UP	Repeat	5.55PM G CRIME STOPPERS
11.30PM Australia Network	6:00PM G NATIONAL EMTV NEWS	9.20AM G DEPARTMENT OF EDUCATION CLASSROOM BROADCAST	11.00PM G RUGBY LEAGUE	6:00PM G NATIONAL EMTV NEWS
MANDE, MAS 7 2010	6.30PM G A CURRENT AFFAIR	KIDS KONA		6.30PM G A CURRENT AFFAIR
	7.30PM PG RED CARPET	3.00PM G MAGICAL TALES	11.30PM AUSTRALIA NETWORK	00PM 7.00PM PG THE WORLD AROUND US
	Karl Stefanovic and Lisa Wilkinson hosts the Red Carpet Arrivals before the award ceremony to give us a close look at he glitz and glamour of the celebrities as they arrive.	3.30PM G HI-5		
5.00AM G JOYCE MEYER Religious Program	8.00PM PG	4.00PM G THE PYRAMID	TRINDE, MAS 9 2010	7.57PM EMTV TOK SAVE
5.30AM G TODAY	11.00PM G NATIONAL EMTV NEWS REPLAY	4.30PM G THE SHAK		8.00PM PG THE FARMER WANTS A WIFE
9.20AM G DEPARTMENT OF EDUCATION CLASSROOM BROADCAST	11.30PM Australia Network	5.29PM G EMTV NEWS UP-DATE	5.00AM G JOYCE MEYER Religious Program	9.00PM M WEDNESDAY NIGHT MOVIE:
11.00AM AUSTRALIA NETWORK	TUNDE, MAS 8 2010	5.30PM G MILLIONAIRE HOT SEAT	5.30AM G TODAY	
12.59PM STATION OPEN		6:00PM G NATIONAL EMTV NEWS	1.00PM G ONE DAY – AUSTRALIA	11.00PM G NATIONAL EMTV NEWS REPLAY
KIDS KONA		6.30PM G A CURRENT AFFAIR	9.00AM EMTV PRIME TIME LINE	11.30PM AUSTRALIA NETWORK
3.00PM G MAGICAL TALES		7.00PM G HAUS & HOME	UP	
3.30PM G HI-5		7.57PM EMTV TOK SAVE	9.20AM G DEPARTMENT OF EDUCATION CLASSROOM BROADCAST	
4.00PM G THE PYRAMID		8.00PM PGRESCUE SPECIAL OPS	CAST	
4.30PM G THE SHAK		9.00PM G SHINE: Beyonce	2.59PM STATION OPEN	
5.29PM G EMTV NEWS UP-		9.30PM G SUPER LEAGUE	KIDS KONA	
			4.57PM EMTV TOK SAVE	

Ol Progam na Taim i ken senis...

Raun wantaim Kanage olgeta wik

Soka kompetisin

Wanpela taim, wanpela soka kompe-tisen i kamap long Bulolo namel long ol Bulolo Forestry Koles na Wau Sek-endari skul tim.

Planti ol manmeri i lukluk i stap wan-taim ol sampela wait man. Tupela tim i no pilai gut olsem na wait man i kirap na tok olsem, "Ol lain pilai deti gem stret." Kanage i harim na em i kirap na i tok, "Tru ya, ol i no was was na ol i kam long pilai."

Bulolo

Kanage go insait long lukim PM

Wanpela taim bubu Kanage i go long opis bilong Praim Minista long Waigani. Tasol taim em i kamap long opis ol sekyuriti long hap i laik rausim em long wanem ol i no save olsem em i kam long lukim Prime Minista. Lapun Kanage i kirap na tokim ol sekyuriti



olsem, "Hey, yu ting mi the small boy ah, Mi the papa to Peraim Miniesta ah. Mi the papa ahio ol i les long lalim mi go intait yah. Me mekit the wat." Ol sekyuriti i harim em i toktok na ol lap indai i stap. Ol i bisi long lap na lapun Kanage i go insait hariap tru long opis.

Gras rut man
Waigani

Kanage na tripela tait

Wanpela taim Kanage i tanim redio bilong em on na i harim nius i stap. Long nius i tok i gat tupela haiwara i wok long kamap long solwara. Em i hai tait na lou tait. Orait, Kanage i harim dispela nius na em i go long toksave

long ol manmeri long maket ples. Kan-age i singaut, toksave i go long yupela olgeta olsem yumi nau yumi gat tripela tait we i save kamap, husat i save long ol dispela tait? Ol manmeri i pasim maus na harim em i stap. Kanage i bel-hat long ol i no ansarim em, em i kirap na i singaut yumi gat tripela tait. " Em i hai tait, lou tait na kok tait". Nau yu-pela i save pinis, onim radio bilong yu-pela na harim ol nius.

TK
Mangi Sunam

Ol skwat!

Salim ol gutpela Kanage
tok pilai i kam long:
Kanage Tok Pilai
P.O. Box 1982,

Papa mekim pasin nogut

Dia Laiplain,
Mi wanpela gel i gat 17 krismas na mi save stap wantaim papamama, tu-pela brata na tupela susa long ples. Haus bilong mipela i stap em yet na i longwe long bikples bilong mipela. Mi pinisim Gret 10 tasol mi no skruim skul long mi bikos i nogat gutpela sapot long papamama bilong mi. Mi nambawan pikinini long famili na mi sapos long skruim skul na bihain, painim wok long sapotim famili bilong mi.

Tasol mi no nap wokim dispela bikos mi stap nating long ples nau. Papa i lukim olsem mi no wokim wan-pela samting na em i kros na tok mi westim nating mani bilong em we em bin baim skul fi i go long Gret 10 level. Wanpela apinun, em bin kam bek long taun wantaim sampela kaikai bilong haus, tasol em i spak wantaim tu. Ol narapela barata na susa i no kam bek long haus yet bihain long skul na mama i stap yet long gaden tu. Em i likim olsem nogat man long haus na em bin askim mi long go wantaim em long wara na wetim em i waswas.

Long wara hap, em i givim mi sam-pela ol kaikai em bin baim na taim mi wok long kaikai i stap, em i giaman waswas na rausim ol klos bilong em. Kwiktait em i kam long baksait bilong mi, pulim na daunim mi na wokim pasin nogut long mi.

Mi pret long tokim mama bilong mi na husat moa long dispela samting. Tasol em i wok long mekim nabaut yet long mi. Bai mi mekim wanem na em i ken lusim mi? Mi no save bai mi mekim wanem na mi laik kilim mi yet. Plis, helpim mi.

Daughter, Contemplating Suicide

Dia Pren

Tenkyu long yu i gat strong long rait i kam long mipela na tokim mipela long hevi yu bungim long ples.

Mipela i luksave watpo planti yangpela pipel i bungim dispela kain hevi ol famili memba yet bilong ol i givim. Mipela i bilip olsem dispela i kamap bikos i nogat komitmen na tras i stap insait long famili. Tu, ol i no givim ol wanwan famili memba ol wok long mekim insait long famili yet.

Pren, mipela i laik tok olsem long planti yia i go pinis, famili i bin wanpela strong-pela yunit we laik pasin, lukautim na helpim wanpela narapela em i bikpela



samting. Ol famili na pren i bin raun i go long haus bilong ol arapela bilong lukim olsem famili i stap gut long ol kain kain birua.

Tasol long tude, dispela kain bilong helpim wanpela narapela i no stap moa na pipel i stap bilong ol yet. Mipela i bilip olsem taim ol man i stap wan ol yet na ol i nogat narapela long stap, toktok na sea wantaim, ol kain tingting na pasin nogut i save kamap long het na pasin bilong ol we i no stret long ai bilong God na man.

Pren, dispela kain pasin we wanpela family memba i mangalim na wokim pasin nogut long narapela famili memba i no bin stap samting olsem 20 krismas i go pinis, tasol nau, em i wok long kamap planti. Mipela i bilip olsem wan wan man i ken traim long skelim laip bilong em na wokim senis long kamapim gut laip bilong ol yangpela pipel na ol lain bai i kam bi-hain.

Mipela i amamas long yu i strong long wokim samting long dispela samting nogut i kamap long yu. Mipela i luksave olsem em i no isi long toktok long dispela pasin nogut papa i famili na wanblut stret i wokim long yu. Dispela i bikpela asua tru na i brukim loa bilong yumi. Mipela i enkarijim yu long toktok long wanpela man o meri we yu trastim na kisim helpim kwiktait.

Pren, papa i wokim pasin nogut long yu na dispela bai mekim yu abrusim em na yu go klostu long mama bilong yu. I moa-beta yu toktok long em long samting i kamap long yu.

Pren, yu mas tingim ol mama i save laikim ol pikinini bilong ol moa moa yet na mama bilong yu bai helpim yu sapos yu toktok long em long samting i kamap long yu. Sapos yu painim hat long toktok long mama, yu nap yusim wanpela brata o susa bilong yu long tokim em olsem yu laik toktok wantaim em. Mipela i luksave olsem dispela bai i no isi long tokaut long samting i ka map long yu. Bihain yu tokim mama bilong yu, yu ken go lukim pasto o pater long helpim yu na mekim samting long putim ripot long samting i kamap long yu.

Sapos yu no inap yusim ol famili memba, yu ken yusim wanpela lain au-sait long family yu trastim o pilim olsem

yu ken toktok long em. Long nau, i moa-beta yu abrusim papa bilong yu na i no go klostu long en. Mipela i bilip olsem yu nogat tras o luksave moa long papa bi-long yu. Em i bikpela sem tru long papa o narapela famili memba long wokim dis-pela kain pasin long narapela famili memba.

Yu gat rait long papamama i lukautim yu na em i wok bilong ol long givim yu edukesen na lainim yu long kamap wan-pela gutpela sitisen o manmeri bilong dis-pela kantri. Ol pikinini i gat ol rait long stap, muv na gat ol samting we olgeta pikinini i mas gat long groap na stap gut.

Pren, sapos samting we papa bilong yu i wokim i kamap long ples klia, papa bi-long yu i ken go long haus kalabus na dis-pela i ken givim tok lukaut long ol narapela papa long ol i noken mekim dis-pela kain pasin. Mipela i bilip olsem ol papa i bos long ol famili tasol sampela papa i no mekim wok bilong ol na ol i laik eking yangpela olsem ol pikinini bilong ol. Na dispela i sori na sem pasin long ol dispela papa.

Mipela i strongim yupela ol yangpela pipel olsem sapos yupela i lukim sampela samting i no wok long go gut namel long yu na papa o mama o ol narapela famili memba, yum as wokim samtign kwik o toktok long wanpela lain husat yu trastim na dispela i ken sevim yu long birua pasin i ken kamap long yu.

Pren, las long en, mipela i strongim yu long lukluk long God long helpim yu na givim yu stia. Pre long em long givim yu strong long stretim dispela kain samting we i ken kamapim pogiv nab el gut pasin bihain taim.

Tenkyu gen long strong yu gat long traim mekim samting long dispela birua nogut stret ol i kolim "incest" we i wanpela kraim na i brukim loa.

God i ken givim yu strong.

Pren bilong yu
Laiplain

Sapos yu gat wari, rait i kam long Life-line, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bi-long yu long stori.

Laiplain



NEM: Ludwig Hesai
KRISMAS: 21 (man)
ADRES: Kilipau village, P.O. Box 96, Vanimo, Sandaun Provins
SAVE LAIKIM: Senisim Presen, pilai soka, harim musik na raitim pas.

NEM: Benjamin A. Wep
KRISMAS: 20 (man)
ADRES: Kilipau Village, P.O Box 96, Vanimo, Sandaun Provins
SAVE LAIKIM: Pilai soka, voli bol, senisim presen na painim wanpela meri long maritim.

NEM: Patrick Gisiye
KRISMAS: 20 (man)
ADRES: New Century Wholesale, P.O.Box 218, Kiunga Western Provins
SAVE LAIKIM: Pilai soka, mekim pren, raitim pas, go lotu na senisim presen.

NEM: Benuel Kapamai
KRISMAS: 18 (man)
ADRES: P.O. Box 2901, Lae
SAVE LAIKIM: Pilai soka, volibol, pilai gita, harim musik, ritim buk na go lotu

NEM: Bainy Wou
KRISMAS: 20 (man)
ADRES: Kilipau Village, PO Box 96, Vanimo Sandaun Provins
SAVE LAIKIM: Raitim pas, senisim presen, pilai soka, volibol na painim wanpela meri long maritim.

NEM: Benny Wagu
KRISMAS: 18 (man)
ADRES: Kilipau Village, P.O.Box 96 Vanimo Sandaun Provins
SAVE LAIKIM: Senisim presen, raitim pas, pilai soka,volibol na harim musik

NEM: Terence Mathew
KRISMAS: 16 (man)
ADRES: Ohu Primary School, PO Box 169, Madang511, Madang Provins
SAVE LAIKIM: Go skul, harim musik, go Lotu, raitim pas na mekim pren

NEM: Tenny Paul
KRISMAS: 19 (man)
ADRES: Komabea Primary school, PO Box 220, Kerema, Gulf Provins
SAVE LAIKIM: Pilai spot olsem volibol, soka na basketbol, harim musik, ritim niuspepa na wok

NEM: Jamie Awe
KRISMAS: 29 (man)
ADRES: C/Hargy Oil Palms, PO Box 21 Bialla, West New Britain Provins
SAVE LAIKIM: Lukim rugby, mekim poroman wantaim ol arapela na painim wanpela lotu meri bilong maritim

NEM: Atasing Bafike
KRISMAS: 27 (man)
ADRES: Bumbum Primary School, PO Box 4588, Morobe Provins
SAVE LAIKIM: Harim musik, pilai soka, wat-sim TV na pilai kompyuta gem



Pai i sindaun long wil sia. Foto: PAUL ZUVANI

Mamagraun: Wanem taim mi kisim pe?

Paul Zuvani i raitim

WANPELA mamagraun long Moran, Hela provins long petroleum developmen laisens (PDL) 5 i givim 7-pela de long gavman bipo long ol manmeri i pasim paip.

Dispela bai kamap sapos gavman i no baim ol long K200 milion long Memorandum ov Agrimen (MoA) em i bin tok promis long em.

Dispela mani i kam long ol hap we wel na ges projek i kamap.

Gavman i mekim dispela tok promis long 2008 na papagraun i wet yet.

Martha Pai i tok em i wet longpela taim na inap long nau i no lukim wanpela mani yet.

"Mi wet long kaikai sampela mani long projek we i kamap long graun bilong mi tasol mi no kisim yet.

"Mi wet longpela taim na nau mi sik na i no inap wokabaut.

"Nau mi sindaun tasol long wil sia.

"Wanem taim tru gavman bai baim mi na mi ken amamas liklik bipo long mi dai?" Mis Pai i tok.

Em i tok bihainim askim bilong ol arapela papagraun long Moran we ol i mekim long dispela wik long gavman i mas baim ol, Pai i tok, nogat gutpela bekim i min ol bai pasim wok kamap long Moran.

"Sampela ol papagraun i sainim MoA long Moran na gavman i satarim balus na kisim sampela i kam daun long Mosbi.

"Mipela i wet yet MoA mani gavman i promis long givim mipela.

"Mipela i no kisim yet dispela mani na long taim mipela i wok long wet, sampela bilong mipela i kisim sik, planti i stap wantaim hangre na sampela moa i nogat gutpela hap ples bilong stap.

"Mipela i no kam long laik bilong mipela, tasol bikos long askim bilong ol arapela lain, laip bilong mipela i bagarap nating."

Em i tok bilong wanem gavman bai kisim nating mani na i no inap long baim ol long wel na gen em i kisim long graun, salim na mekim mani long em.

"Gavman i mas tok gut long mipela.

"Nogat mipela i pasim wok na gavman na divelopa bai kisim taim," Pai i tok.

Maining kampani no amamas long NGO

Paul Zuvani i raitim

WANPELA liklik maining kampani we i wok explore-sen i no amamas long wok bilong ol non gavman oganaisesen (NGO) grup long kantri.

Marengo Maining Limited, Australia kampani we i redi long developim kopa, molibdenum na gol projek long Yandera, Madang Provins i tok sampela ol NGO grup i kamap bilong pasim developmen i go long ol manmeri.

Menesing Dairekta Les Emery i tok: "Ol NGO i kisim ples bilong ol manmeri long Papua Niugini na i laik tokaut long kain developmen we i mas kamap moa long ol i bihainim tingting bilong ol manmeri.

"Ol yet na ol tasol i laik tok developmen bai go olsem wanem.

"Ol i laik tokim ol manmeri olsem olgeta maininig kampani i kam bilong bagarapim busgraun na solwara.

"Dispela em i no trupela tok tasol em samting ol i gat long het bilong ol pinis."

Em i tok em i bin askim ol lokol komyuniti long Madang pinis long wanem samting ol i laikim long em na komyuniti i tok yesa pinis long



EMERY: NGO pasim wok developmen. Foto: PAUL ZUVANI

wok i kirap.

Na nau sampela NGO grup i kamap na tok nogat.

"Ol was tasol long pasim wok developmen.

"Taim dispela wok i pas, ol i lusim manmeri na go long narapela hap.

"Em wok bisnis bilong ol," Emery i tok.

Long wok bilong kampani yet em i tok kampani i redi long pinisim difinitiv fisibiliti stadi (DFS) bilong em na bai tokaut long em long namba wan kwata bilong dispela yia.

Na i lukluk long long pinisim disain na konstraksen wok long pinis bilong 2013.

Las yia Marengo i saininim wanpela tok orait pepa wan-

taim Saina Nonferrous Metal Industri (NMI) Foren Enjiniering na Konstraksen kampani we bai helpim long givim mani na mekim ol haus samting bilong kampani.

Tupela stretim gut tok long namba tu kwata bilong dispela yia.

"Stat long Epril 2008 taim kampani i traim long kisim sampela mani long developim Yandera, inap long nau em i kamapim olsem Aus\$120 milion (K333.33 milion).

"Plantu bilong dispela ol mani i kam long Not Amerika taim kampani i rejista long Toronto Stok Eksenis (Kenada).

Projek i gat 20-yia laip na namel long dispela inap long kamapim olsem 100,000 tan bilong kopa wantaim 15,000 tan bilong molibdenum long wanwan ol yia.

Em bai kisim olsem Aus\$1.6 bilion (K4.44 bilion) long developim dispela projek.

Bikos long gutpela ripot Paradigm Kapitel, indipenden invetsen dila long Kenada i tok sea pris bilong kampani nau inap go antap long Aus\$.65 bihain long em long Aus\$.53 long las mun.

Dijisel makim nupela jeneral menesa long Niugini Ailans ... strongim meri long PNG

MOBAIL telepon kampani, Dijisel, olsem wanpela hap program bilong em long developim ol wok manmeri i tokaut promosen em i mekim long dispela wik.

Long promosen em i tokaut long Nicole Vate, olsem menesa long lukautim opis bilong kampani long Niugini Ailans rijen.

Vate husat i bilong Is Nu Briten i wanpela bilong 231 meri we Dijisel PNG long dispela taim i kisim na inap long dispela taim i soim olsem em inap long lukautim wanpela opis stat long taim em i joinim kampani long 2007.

Vate i greduet wantaim Saikoloji (psychology) digri long 2001 na bihain long dispela i wok wantaim Westpac Benk.

Bihain long dispela em i joinim Red Cross PNG we em i wok olsem program opisa long wok ol projek.

Long Jun, 2007 Vate i joinim Dijisel taim kampani i kam long PNG.

Nicole i wok long Humen Risoses Dipatmen bipo long em i go long Seils Dipatmen na wok olsem seils na distribusen eksekutiv na bihain kamap olsem distribusen menesa we i



AMAMAS: Nicole Vate-nupela Dijisel rijinel menesa long Niugini Ailans.

lukim em i kamap olsem rijinel menesa long Niugini Ailans rijen.

Amamas long promosen Vate i tok: "Mi tok tenkyu long Dijisel long givim mi dispela sans na olsem mi lukluk long wok hat long dispela opis.

"Mi lukim dispela wok olsem nupela salens long laip bilong mi.

"Em i sans bilong mi long wok wantaim Dijisel tim we i lukluk long givim gutpela sevis long NGI.

Na Dijisel PNG Sif Eksekutiv Opisa, John Mangos, i amamas long Vate long dispela nupela wok bilong em.

"Dijisel i amamas long nu-

pela ol samting na sevis em i kamapim long PNG na moa yet long ol wok manmeri bilong em.

"Mipela i bilip Nicole inap wok gut long nupela opis bilong em wankain long wok em i mekim long ol arapela opis em i wok long em.

Nicole i winim tu bikpela awod Dijisel i givim em Dijisel Eksekutiv Menesmen Bisnis Edministresen (EMBA) program long las yia.

Em i namel long 20 wok manmeri husat i kisim wanpela wik skul long Dijisel ekspirinsel program bilong ol menesa long 32 telikomyunikesen kantri long wol.

Finschafen distrik edministresin opisa lainim wok kompyuta

MOA long 18 opisa long wanwan ol divisen long Finschafen distrik edministresin, Morobe Provins i kampa long skul long yusim Jiografik Infomesin Sistems (GIS) na Globel Posisening Sistems (GPS) tul.

Dispela em ol bikipela samting bilong givim gutpela skul tok long yusim GIS na GPS long wok bi-long plening na developmen.

Dispela wanpela wik trening i kamap bihainim tingting bilong lokal Memba bilong Palamen, Theodore Zurenuoc.

As tingting bilong dispela skul em long skulim ol manmeri bai ol i ken save long yusim kompyuta long dispela

taim bilong kompyuta.

Planti ol i wok na toktok em ol manmeri i save yusim komyuta na i no gutpela sapos ol wok manmeri i no save na i no inap long mekim.

Taim dispela i kamap, wok divelopmen plen bilong gavman bai i no inap long kamap.

Wantaim save bilong GIS na GPS ol opisa i ken kisim rekot bilong topografi, graun, hamas ren i pundaun, stap bilong graun, namba bilong ol manmeri na kain sevis olsem rot, haus sik na skul i stap.

Trening i soim ol manmeri long rot bilong save na yusim nesenel databes, Mepping Agrikalsa Sis-

tems Projek (MASP) na PNG Risoses Infomesin Sistems (PN-GRIS) we i gat ol toktok bilong ol samting bilong bus bilong PNG na ol wok didiman i kamap.

Saveman i skulim ol manmeri long rot kompyuta i save wok na rot bilong mekim ol wok long kompyuta olsem desktop meping long ol rot, wara, ol hap we wok didiman i kamap long em na ol hap we planti manmeri i stap long em.

Opisa i soim ol hap we bikipela ol hevi long tait wara, graun guria na bikipela san inap kamap long em.

Ol i opisa i lainim planti samting long dispela skul.



MEKIM OLSEM:
Jimmy Maro (sanap) i toksave long ol manmeri long rot bilong yusim desktop GIS tul long Finschafen Teknikel Skul, Gagidu stesin.

MRC wokmanmeri lainim rot TB save kamap

Barbara Tomi (NARI) i raitim

TUBAKULOSIS (TB) i wanpela sik we i save kilim planti manmeri long Papua Niugini long dispela taim.

Ol mak i soim namel long 37 kantri long Westen Pasifik rijen, PNG i namba foa (4) kantri we planti sik TB i save stap long em. Moa long dispela, Morobe Provins i namba tu siti long kantri we sik TB i stap planti.

Long save long kamap bilong TB, Institutsinel Menesmen na Developmen Progreem i holim sampela aweanes toktok long ol wokmanmeri na famili na rot ol i mas abrusim.

Na taim ol manmeri nogat man bai stap long wok na strongim laip.

Dispela aweanes em Wol Visen PDG- TB DOTS Tim i go pas long em.

Tim i toktok long rot sik i save kamap long em, mak we wanpela i ken luksave long dispela sik, ol rot wanpela i ken abrusim na ol rot wanpela i ken rausim o pinisim dispela sik.

Ol wok manmeri wantaim famili bilong ol i amamas long skul na tok tingting bilong ol nau i klia long ol rot ol i mas abrusim na daunim dispela sik.

Tasol long wankain taim i no amamas long kamap bilong dispela sik long wanem planti manmeri i stap long laik na i no wari tumas long bodi na laip bilong ol.

Taim ol i mekim olsem kain kain ol hevi i save kamap na dispela i wankain long kamap bilong TB.

Moa yet ol i wari olsem TB nau i ken abrusim marasin olsem na i no inap long pinis taim manmeri i kisim marasin.

Dispela aweanes wok i hap wok bilong Institut long tok-save long ol opisa na famili bilong ol long ol hevi olsem TB na HIV/AIDS.

Dokta Sergie Bang, Progreem Dairekta bilong Agrikalsa Sistems Impruvmen i askim ol opisa long ol i mas was gut long TB na sekim ol yet sapos ol i gat dispela sik.

Em toktok long laip bilong em long we taim em i liklik yet i bin kisim dispela sik tasol wantaim marasin em i kisim na laik bilong em long pinisim dispela sik i mekim em i inap long daunim dispela sik na i kamap fri man.

Em i tok sapos em inap long daunim dispela sik, ol arapela manmeri tu inap long daunim dispela sik taim ol i bihainim ol stretpela rot.

PAITIM SIK: Ol opisa bilong husat i bin stap long TB aweanes woksop.
Poto: WOL VISEN

Rais fam long Sipiaia

James Laraki (NARI) i raitim

I GAT sot yet long kamapim wok didiman long planti ol rurel ples.

Na em i bel krai olsem kain sevis i mas go long ol.

Tasol long ol arapela ol laki olsem sampela wok didiman i kamap long hap bilong ol.

Wanpela bilong dispela ol ples em Sipia ples, ausait long Lae, Morobe Provins.

Na man husat i go pas long dispela wok em Pat Newton.

Newton long sampela taim nau i save groim rais na dispela i bilong famili bilong em i kaikai tasol.

Em i namba wan man long Ahi komyuniti long groim rais.

Em i stat long groim rais bihain long sampela ol opisa aninit long Rais na Grein bilong Nesenel Agrikalsa Risets Institut (NARI) i kamap na helpim em .

Tingting long groim rais i kamap long taim sampela famili poroman i



givim sid bilong rais long traim na planim.

Dispela ol sid em ol i baim long OSICAR Teknikol Skul long Is Nu Briten we pikinini bilong poroman bilong em skul.

Wantaim askim bilong poroman long planim rais, Newton i no wet long bekim na traim planim dispela ol sid.

Em i no kisim longpela taim long kirap nogut long kain rais i gro long graun em i tanim.

Em i painim masin, rausim skin na kaikai dispela rais wantaim famili.

Wantaim amamas Newton i go long opis bilong NARI na askim long helpim.

Ol opisa i redi na givim moa sid na toksave bilong planim, lukautim na kamapim rais.

Bihain long dispela em i askim Ong klen bilong em long Sipiaia ples na olgeta Ahi komyuniti long ol i mas groim rais long ples bilong ol.

Wantaim dispela ol i no moa tingting planti na bungim hevi bilong baim rais long ol stua we oltaim prais i save go antap.

“Mipela i gat gutpela graun we i ken kamapim kainkain kaikai tasol bikipela samting em mipela i mas painim ol samting bilong groim na wok hat bai mipela i gat ol samting bilong sapotim laip bilong mipela.

“Dispela i wankain long rot mipela i bihainim long planim rais,” Nelson i tok.

Em i tok em i redi long givim sid long husat arapela famili i gat tingting long planim rais.



BROS: Bertha Yapi bilong Hekari putim bal i go antap stret wantaim bros bilong em taim ol i pilaim BizPrint Angels long NSL resis bilong ol meri las wik Sarere long Mosbi.



Amata boksing long Central na NCD i kamapim wampela tona-men bilong ol las wik Sande long Sports Inn we ol liklik i go bikipela paitman i bin gat sans long tromoi han liklik. PHOTO: A. Molen/ Wantok.

GUTPELA PILAI: Ragbi lig i kirap gen long Bogenvil we i lukim ol tim bilong Arawa na Buka i stap insait long wampela pri sisen gem las wik long Hujena Sekenderi skul. POTO: Reuben Kalaung.

PUTIM HAN: Dispela ol pilaia bilong OC Eagles na Works i traim hat long hisim bal long Pablik sevens netbol gem bilong ol las wik Sarere long Mosbi. POTO: ANDREW Molen.

HOLIM EM: Wampela tas pilaia i ronawe long birua bilong em long namba tu wik bilong Kopret tas resis pri sisen long Se John Guise stadium las wik Sande long Mosbi. POTO: Andrew Molen.

TOKSAVE: Salim ol spots dro bilong yu kam long Feks; 325 2579, e-mel; amolen@wantok.com.pg o kam lusim long Wantok Niuspepa opis long Central Waigani, NCD.

Nambawan gem long olgeta



Histri bilong ragbi lig

RAGBI lig i stat long 1895 taim wanpela grup bilong Rugby Football Union (RFU) long Inglen husat ol i save ronim ragbi yunion gem, i bruk na i go kamapim narapela kompetisen bilong ol yet.

Ol i bin lusim RFU na i kamapim ragbi lig bilong wanem ol i bin kros long baim ol pilaia bilong ragbi yunion.

Dispela ol lain husat i laik baim ol pilaia bilong ol i go na kamapim ragbi lig.

Ol loa na stail bilong pilai dispela tupela gem i bin wankain tasol long lig, ol i save baim ol pilaia bilong ol na yunion em nogat.

Nem olsem ragbi lig na ragbi yunion i kamap bai ol i luksave long ol yet.

Ragbi yunion i no save baim ol pilaia bilong ol inap long 1995 taim ol i givim tok orait long dispel.

Stat long 1895, ragbi lig i kamapim ol loa na stail bilong ol yet long pilaim gem.

Astingting bilong ol em long mekim gem i kamap spit na swit moa bilong ol manmeri long laikim na bihainim.

Dispela senis i kamap isi inap ol i kamapim narapela gem olgeta we yumi save nau olsem ragbi lig.

Long dispela taim ol i save kolim gem olsem "Northern Union" (Noten Yunion) na i stap aninit long was bilong Northern Rugby Football Union (NRFU), dispela nau i senis i kamap Rugby Football League (RFL) na i save lukautim ragbi lig long Inglen.

Bihain, dispela spot i go long Nu Silan, Australia na Frens na ol i kamapim tu ol loa na stail bilong pilai we olgeta i wanbel long en.

Long 1948, International Rugby League Board (IRLB) tasol RFL i bin go pas long lukautim ol loa bilong gem yet.

Bihain taim bod i redi, RFL i givim tok orait i go long ol long lukautim na ronim ol loa bilong gem.

Ragbi lig long PNG

Olgeta ragbi lig sapota, pilaia na ofisol long wol i save olsem dispela spot em i nesenel spot bilong Papua Niugini.

Em i wanpela gem we ol manmeri dai, marit i bruk, bikpela pait i kamap, ol samting i bruk na bagarap na hevi kamap namel long ol manmeri husat i sapotim ol tim bilong ol na gem i no kamap long laik bilong ol.

Taim wanpela intanesenel gem i kamap namel long nesenel tim bilong PNG, ol Kumuls na wanpela tim bilong narapela kantri, i no save i gat spes long ol pilai graun na stedium bilong olgeta manmeri go insait.

Ragbi lig kam long PNG bipo long wol woa tu (WW2) tasol em i kamap strong taim ol soldia bilong Australia i bin kam stap na pait long PNG.

Gem tru i stat long 1945 na dispela yia em i klostu 66 yia bilong en long kantri.

Planti manmeri nau i save bihainim Nesenel Ragbi Lig (NRL) resis bilong Australia na nau i gat sampela ol PNG pilaia i stap



BIKNEM: Marcus Bai em wanpela biknem pilaia bilong PNG husat i go pilai long Inglen na Australia na i stap insait long ol gren fainol bilong ol tu.


NAMBAWAN: Andrew Johns i bin wanpela nambawan ragbi lig pilai long Australia na wol.

Save Long Gem wantaim Andrew Molen

OL i save tok olsem ragbi lig em i nambawan gem long olgeta (The Greatest Game of All).

Na long PNG, Australia, sampela hap long Yurop na Pasifik, dispela tok em i tru.

I nogat planti kantri save pilai ragbi lig olsem ol i save pilai soka na ragbi yunion tasol em i wok long go bikpela na moa manmeri na kantri wok long pilim swit bilong dispela gem.



MAKIM KANTRI: Kumuls em nesenel tim bilong PNG. POTO: Wantok Poto.

long hap na pilai insait long dispela nambawan kompetisen long wol.

Nesenel ragbi lig resis bilong PNG yet em PNGNRL we i stap aninit long nem bilong mama sponsa bilong dispela yia, Digicel, ol i kolim Digicel kap.

Lo na stail bilong pilai

Pilai graun na stail bilong ragbi lig i wankain olsem bilong ragbi yunion tasol i gat wanwan samting tasol i senis.

Longpela bilong pilai graun na ol gol pos i wankain tasol sais bilong yunion pilai

graun long hapsait i go long hapsait em i bikpela moa long ragbi lig pilai graun.

Mak bilong ol insait long pilai graun tu em i no wankain.

Long kisim poin insait long ragbi lig, wanpela tim bai traim long kisim bal i go na putim baksait long gol pos bilong narapela tim, ol i kolim trai lain.

Tim i putim trai bai traim long kikim wanpela gol long kisim tupela moa poin.

Wanpela trai em 4-pela poin, gol em tupela poin, fil gol em wanpela poin na penolti gol em tupela poin.

Narapela tim bai traim long pasim narapela tim long skoa.

Bihain long ol i takolim ol pilaia bilong narapela tim wantaim bal, 5-pela taim, ol i mas kikim bal i go daun long sait bilong ol.

Sapos ol i no kik na narapela tim i takolim ol 6-pela taim em bai ol i no inap kik o mekim wanpela samting moa, ol bai givim bal i go tasol long narapela tim na ol tu bai kisim sans long traim na go skoa.

I gat 15 pilaia na 5-pela risev long ragbi yunion tasol long ragbi lig em 13-pela pilaia na 4-pela intansenis pilaia.

Long yunion, yu bai no inap go insait na pilai gen bihain long wanpela risev pilaia i go insait na kisim ples bilong yu.

Tasol long lig, dispela 4-pela pilaia i ken senis i go i kam olsem na yu ken i kam mal-olo long autsait na bihain go bek insait long pilai gen.

Sampela ol biknem pilaia

Ol ragbi lig pilaia i gat bikpela luksave long PNG na Pasifik bilong wanem i gat planti manmeri long hap husat i save lukim ol gem bilong ol.

Sampela ol biknem pilaia bilong Australia em Brad Fittler, Darren Lockyer, Andrew Johns, Greg Inglis, Mal Meninga, Laurie Daley na Andrew Ettingshausen.

Bilong PNG em Menzie Yere, Adrian Lam, Stanley Gene, Michael Marum, Mark Mom, Aquila Emil, husat i dai las mun tasol, Philip Boge, Jessie Joe Parker na Marcus Bai.

I go bikpela moa

Ragbi lig long Australia i amamasim 100 yia bilong en long 2008 na PNG i no longwe tumas long en.

PNG Rugby Football League (PNGRFL) husat i save lukautim ron bilong gem long PNG, nau i wok long lukluk long developmen bilong gem.

Ol i wokbung wantaim gavman long kamapim program bilong ol sumatin long ol skul bai o i ken save gut long gem taim ol i liklik yet.

Wok i kamap nau tu long traim na putim wanpela PNG klap i go insait long NRL resis bilong Australia.

Em bai gutpela tu long lukim sampela wok i kamap long stretim ol pilaia graun na trening ples we ol pilaia na kosa i ken i go long strongim bodi bilong ol na lainim gut long pilai dispela strongpela gem.

Wanpela samting tasol we bai bagarapim ron bilong nambawan gem bilong yumi em pasin bilong politiks o kros pait namel long ol manmeri husat i go pas long lukautim na ronim gem insait long kantri.

Sapot gut na strongim ragbi lig bilong yumi olgeta long amamas long en.

Ol wok redi kamap

■ i kam long pes 28

Nau ol i lukluk long kisim bikpela namba liklik moa tasol salens i stap nau long wan-wan klap long painim rot long salim ol pilaia bilong ol i go.

Pini tok ol bai mekim seleksen tu bilong Pasifik gems long dispela tonamen.

"Bai gat tupela pilaia tasol i stap long Pasifik gems skwat," em i tok.

Tasol bikpela samting SAPNG i lukluk long en long dispela tonamen em long givim na kamapim planti gutpela samting long komyuniti long Tupira.

"Taim tonamen i pinis bai planti samting i stap bek bilong helpim komyuniti long hap.

"Ol haus bilong silip, ples bilong waswas, haus pekpek na tu sampela nupela save bilong pilai sefing bai stap wantaim ol manmeri long hap we ol i ken yusim long mekim ol arapela wok olsem turisem na ol arapela," Abel i tok.

Dispela kain wok i kamap long ol arapela ples olsem Vanimo na Kavieng we ol manmeri bilong ovasis i save kam raun long pilai dispela gem tasol.

"Taim dispela i kamap bai mani go long ples tu bilong wanem ol manmeri husat i kam raun long lukim dispela gem na stap long hap bai baim ol kaikai na samting long dispela ples," em i tok.

SAPNG long Tunde dispela wik tu i kisim K5, 000 sponsasip i kam long Pacific MMI insurens (PMMI) long helpim ol wok redi bilong ol long dispela tonamen.

Dispela sapot bilong PMMI i lukluk tu long wok bilong SAPNG long sait bilong lukautim ol manmeri taim ol i go waswas long solwara.

"Mipela i bilip long helpim dispela wok we bai lukuk sefti bilong ol manmeri long ol nambis bilong yumi," Menesing Dairekta bilong PMMI, Wayne Dorgan i tok.

ABUS: Tonamen Dairekta, Bob O' Dea (lephan) na Ian B. Clyne i soim piksa bilong pis we ol pilaia i mas traim long pulim. **POTO:** BSP.



RONAWE: Wanpela Hekari United pilai i abrusim birua bilong em bilong Koloale. **POTO:** OFC.

Hekari nogat sans

MRDC HEKARI United i nogat sans nau long traim na winim bek O'lig taitol bilong ol bihain long ol i lus long Koloale FC bi-

long Solomon Ailans, 2-1, long Honiara las wik Sarere.

Tasol ol i tok olsem ol bai kam bek strong moa yet long traim

na winim bek gen long narapela sisen.

Lus bilong Hekari i min Amicale bilong Vanuatu nau bai gat

sans long pilai long dispela bikpela trofi bihain long ol i winim Lautoka FC bilong Fiji 5-1, long Port Vila las wik Sarere.



Pulim bikpela pis na kisim bikpela prais

BIKPELA salens bilong ol manmeri insait long 2011 nesenel gem pis resis (game fishing) em long pulim bikpela pis tasol long wankain taim, ol i resis tu long lukim husat bai winim K100, 000 prais mani.

Dispela em salens bilong ol insait long gem pis resis (game fishing), bihain long BSP benk i tokaut long sponsasip bilong ol long dispela prais.

Long winim dispela mani, wanpela man o meri mas pulim wanpela bikpela malin (marlin) pis we hevi bilong em inap 250kg.

Sif Eksekutiv Opisa bilong BSP, Ian B. Clyne i tok ol i amams long tokaut long spaot bilong ol long dispela prais.

Ol i bin sponsaim dispela prais long 2006 i kam nau.

Nesenel tonamen dispela yia bai kamap long Mosbi long Epril 26 i go long 25 na Clyne i tok olgeta pilaia mas bihainim gut ol loa na stail bilong gem long pulim dispela pis bai ol i ken winim prais tu.



TOKTOK: Marshall i givim toktok bi-long em bipo em i opim NRL sisen.
POTO: ABC.

Marshall opim NRL sisen

BENJI Marshall i opim NRL sisen bilong dispela yia, long Sydney dispela wik.

Em i kisim wok tu olsem pilaia husat bai kisim pes bi-long NRL.

Marshall, husat i kepten bilong Nu Silan Nesenel tim, i givim liklik toktok we em yet i raitim, i go long ol narapela pilaia, kosa, na ol ofisol husat i kamap long dispela bung.

Long dispela bung, NRL i soim tu nupela promosen bilong ol long TV we i lukim bikpela musik ben, Bon Jovi singim singsing bilong NRL.

I gat toktok insait long dispela promosen we ol i sutim i go long AFL we i wok long go bikpela i stap na i pulim

ol pilaia i go long ol.

"I gat planti strongpela salens i stap namel long ol tim insait long dispela gem, na mi laik Nu Silan i winim 4 Nesens resis gen dispela yia na ol Tigers long winim gren fainol, tasol mi sanap hia tete long makim olgeta pilaia bilong olgeta klap," Marshall i tok.

Insait long toktok bilong em, Marshall i makim ol wok helpim we i mas kamap long helpim ol manmeri bilong Christchurch long Nu Silan na long Kwinslen na Viktoria husat ol i kisim bagrap long guria na tait wara.

"Mi ken tok olsem mipela ol pilaia bai wokhat long traim na helpim ol manmeri husat i bungim dispela hevi," em i tok.

I gat planti arapela samting we NRL bai lukluk long tu dispela yia.

Sampela bilong ol bikpela hevi olsem i kamap long Melbourne Storm las yia em ol bai lukluk gut long en dispela yia bai ol narapela tim i noken bungim wankain asua.

"I gat sampela taim we yu ken i go antap tru olsem pisin tasol i gat taim we yu ken wari tru na ino inap long toktok," Marshall i tok.

"Tasol i gat sans long yu long traim gen narapela taim sapos yu bin pudaun, long mi, dispela em i pasin na astingting tru bilong pilai ragbi lig," em i tok.

NRL sisen bai kik of bihain long tupela wik.

TRIPOL

wantaim **bemobile!**

Ringim Customer Care long 1555
or Email support@bemobile.com.pg long save moa



Baim K5, K10, K20 & K50 na K100
long TRIPOL!



Valid to all topkads, Direct & ATM topup

offer ends midnight Friday 04/03/11

bemobile mipela bilong yu

Terms and Conditions apply



2011 Pasifik Gems – Noumea, Nu Kaledonia

LONG Ogas 28 i go long Septemba 10, dispela yia bai Noumea i pulap wantaim ol etlit na ofisol bilong olgeta kantri insait long Pasifik taim ol i kamap long wanpela bikpela spots tonamen insait long Osenia rijen.

Dispela bai namba 14 Pasifik Gems bihain long em i kamap namba wan taim tru long 1963.

Pasifik gem i kamap tupela taim pinis long Nu Kaledonia na dispela yia bai namba tri taim bilong ol long holim.

Laspela taim gem i kamap long hap em 1966 na 1987.

Stat long tete taim yu lukim dispela pepa i stap, em yumi gat 6-pela mun moa i stap bipo long ol gem i stat long hap.

Ol tim na pilaia husat i wok long redi long dispela gem bai lukim olsem em i no inap taim long redi.

Tasol ol bai redi gut sapos ol i bin trening na redi long en long taim yet i kam.

Wanem ol pilaia o tim husat is tap insait long skwat bilong go pilai long hap i mas tingting tu long wanem kain belhevi na wari ol bai pilim sapos ol i no pilai gut o i lusim gem bilong ol.

Ol wanwan spots federesen na asosiesen i mas lukluk long dispela wantaim ol tim na pilaia bilong ol.

Long wanpela toktok bilong mi long hi alas yia taim PNG tim i kam bek long India long komonwelt gems, mi bin tok olsem ol i mas lukluk long stretim wok bilong mekim seleksen bilong ol pilaia na etlit.

Mi bin tok olsem, wanem tim o etlit husat i stap insait long dispela pilai mas traim long bungim rekot o mak bilong dispela ol gem o abrusim.

Dispela kain mak bilong pilai bai ken givim yumi sans long winim ol medol.

Narapela samting mi bin toktok long en em taim ol i givim long trening na tu traim na redi.

Ol wanwan spots federesen nau i mas lukluk long olgeta samting bilong helpim ol tim na pilaia bilong ol long redi gut long dispela tonamen.

Pasin bilong yumi em long kamap long las minit na toktok planti long traim na kisim ples insait long tim.

Planti taim, dispela i no save wok na bikpela mani em wara i save igo nating long baret.

Bikpela tingting na lukluk i mas i go long ol tim spot tu.

Ol tim spot i mas inap long gat bikpela sans long winim wanpela medol bipo ol i kalap long balus na i go long Noumea.

Long bipo, yumi save kisim planti ol tim na pilaia husat i save go raun nating na i no save mekim wanpela gutpela samting long ol gem bilong ol.

Dispela i save lukim bikpela namba tru bilong tim i go tasol yumi no save winim planti medol o sampela taim yumi no save winim wanpela samting stret.

Astingting bilong go long gem em ino long salim bikpela tim tasol long winim bikpela namba bilong ol medol.

Ol wok painim aut na ripot i kam long ol wanwan spots federesen bihain long laspela Pasifik Gems i tok olsem ol tim i mas i gat inap taim long trening na redi bipo long gem.

Tasol sapos dispela ol wanwan spots federesen na asosiesen i no lukluk gut long ol pilai na wok redi bilong ol tim na pilaia bilong ol, em bai nogat wanpela gutpela senis i kamap long ol nesenel tim bilong yumi. Bai yumi stil go na kam bek nating yet.

Yumi no lainim yet long ol asua bilong yumi long bipo nau i wok long stap bihain tru long ol arapela kantri husat ol i stap aninit long Frens (France).

Ating nogat man i luksave gut yet long ol wok bilong yumi long stretim ol wok redi na pilai bilong yumi long ol dispela tonamen.

Wanem samting tru i krangi?

Em i wok bilong husat long stretim?

Mi sori long lukim olsem kopret sekta tasol (ol bisnis na kopret sponsa) i wok long givim bikpela sapot i go long dispela gem.

Tasol hamas mun o yia bai ol is tap olsem sponsa?

Wanem taim bai gavman i nogat wari na i givim han tasol long helpim?

Samoa na Nauru em tupela gutpela piksa bilong yumi long bihainim sapos yumi laik kamap gut tu.



LUKAUTIM TIM: Sekreteri Jenerel bilong PNGSFOC Auvita Rapilla (lephan), Wayne Dorgan na Mel Donald i bung long tokaut bilong sponsasip bilong PMMI dispela wik. POTO: Andrew Molen.

Gutpela taim bilong spots

Andrew Molen i raitim

NAU em i gutpela taim bilong planti gutpela samting long spots long Papua Niugini kamap.

Dispela em i wanpela samting we i wok long strongim PNG Sports Federation na Olympic Committee (PNGSFOC) long ol wok bilong en.

Meri vais presiden bilong PNGSFOC, Mel Donald i tok, long dispela as ol i wokhat long redim na stretim ol samting bilong ol spotsmanmeri husat bai stap insait long dispela ol bikpela spots pilai.

Wanpela bilong dispela ol wok redi em insurens o lukaut bilong ol pilaia na ofisol sapos ol i kisim bagarap.

Pacific MMI Insurance (PMMI), wanpela bikpela insurens kampani long PNG na Pasifik i tokaut long Tunde dispela wik olsem ol bai lukautim dispela hevi bilong PNGSFOC olsem sponsasip bilong ol.

“Olsem Mel i tok, nau em i bikpela taim bilong spots long PNG na mipela tu i amamas long stap insait

long dispela taim na helpim ol spotsmanmeri bilong yumi,” Menesing Dairekta bilong PMMI, Wayne Dorgan i tok.

Dispela insurens bai lukautim wokaut bilong tim i go long olgeta spots tonamen bilong ol dispela yia.

Tupela bikpela pilai PNG tim bai go long en em Pasifik Gems long Nu Kaledonia long Ogas na Komonwelt Yut Gems long Septemba.

PNG bai salim 450 pilaia na ofisol i go long Pasifik Gems dispela yia we i mekim em i wanpela bikpela tim tru i go long dispela tonamen.

Astingting bilong salim kain bikpela namba i go em bilong wanem bihain long Nu Kaledonia bai gem i kam long PNG long 2015.

Long dispela as, ol i laik redim gut ol pilaia na ofisol bilong PNG long go pilai na long wankain taim kisim save long kamap na ron bilong Pasifik gems bai ol i ken ronim gut taim em i kam long kantri bilong ol.

“Mipela i givim dispela sapot long las 6-pela yia na mipela i amamas

long sapotim ol gen,” Dorgan i tok.

“Sponsasip bilong mipela i bihainim wanpela astingting bilong mipela long sapotim ol manmeri bilong yumi long luksave long ol gutpela samting ol i ken mekim bilong ol yet na tu bilong PNG,” em i tok.

Dispela sponsasip bilong PMMI em i moa long K50, 000 na i mekim ol i kamap olsem wanpela silva sponsa bilong PNGSFOC.

Donald i tok, insurens em i wanpela samting we planti ol bikpela spots tonamen i save askim long en tu na i gutpela long olgeta PNG pilaia na ofisol i gat nau na ol i noken wari tasol tingting tasol long pilai.

“Ol bai save olsem wokabaut bilong ol em i orait na i ken pilai strong bilong wanem i gat insurens long lukautim ol sapos ol i kisim bagarap long gem na i laikim helpim,” em i tok.

Donald i tok tu olsem, i gutpela long PMMI i helpim ol gen bilong wanem nau i gat bikpela tim tru na em i mekim isi long lukautim olgeta yet.

Gurias bai lukluk long Bogenvil

ASISTEN kosa bilong Kumuls na het kosa bilong Agmark Gurias, Michael Marum i amamas long pilai bilong ol tim long Bogenvil ragbi lig.

Marum i bin kamap long Buka long opim namba wan raun bilong Bogenvil Ragbi Futbol Lig (BRFL) long Februari dispela yia long Hutjena sekenderi skul.

Em i bin go long wanpela wok bilong em yet tasol i bin amamas taim ol i luksave long em na kisim em i go long opim kompetisen bilong ol dispela yia.

Marum i tok em i amamas long pilai bilong ol Haku Hawks na Tsitalato Warriors long namba wan raun bilong ol pri sisen gem bilong ol.

“Mi lukim gem bilong ol na mi amamas long stail bilong

pilai bilong ol.

“Mi save planti moa gutpela pilai na tu ol pilaia bai kamap taim kompetisen i go moa yet dispela yia,” Marum i tok.

Presiden bilong BRFL, Micah James i tok ol i yusim dispela pri sisen tu olsem trail gem long makim wanpela tim bilong Bogenvil i go pilai long ragbi lig nains (9's) tonamen long Kokopo dispela mun (Mas).

Marum i tok ol Gurias bai lukluk long kisim ol pilaia long NGI rijen dispela yia na Bogenvil em i wanpela ples ol bai lukluk long en tu.

James i tok 8-pela tim bai stap insait long BRFL resis dispela yia na namel long ol em wanpela tim bilong Arawa we bipo BRA paitman, Ismael Toroama i go pas long en.

Toroama i tok em bai strong long kisim tim bilong em i kam long pilai insait long BRFL resis dispela yia.

Wanpela astingting bilong BRFL tu em long bungim astingting bilong “Bougainville Peace Agreement”, long yusim spots na ol arapela komyuniti wok olsem long kamapim gutpela sindaun insait long provins.

James i tok BRFL bai mekim dispela aninit long het tok bilong ol; “Peace through League” (Gutpela sindaun wantaim lig).

Ol i wok long kamapim wanpela kopret plen nau tu we bia lukluk long strongim ron bilong gem long hap long ol yia i kam.

I gat bilip olsem dispela kopret plen bai redi long dispela mun na ol bai opim long Buka.



WANTOK SPOTS



LAE BISCUIT CO.



Isu 1906

Wan wik: Fonde, Mas 3 - 9, 2011.

WARA NATING: Andrew Abel i traim save bilong em antap long solwara.

POTO: JASON PINI.

Kirapim Tupira

Ol wok redi kamap

Andrew Molen i raitim

I GAT tupela moa wik i stap bipo ol sef (surf) pilaia bilong 10-pela klap insait long Papua Niugini go bung long Tupira long Madang provins long namba tu nesanel sempionsip bilong ol.

Tonamen bai ron long Mas 19 i go long 26 na nambis bilong Tupira bai pulap wantaim ol manmeri traim long ron antap long solwara wantaim ol sef bod bilong ol.

Presiden bilong Surfing Association of PNG (SAPNG), Andrew Abel, i tok dispela bai wanpela gutpela tonamen tru na ol i lukluk long salens bilong olgeta pilaia.

Solwara bilong Tupira i save bruk long rait han sait na Abel i tok dispela bai gutpela salens bilong ol bilong wanem solwara long ples bilong planti ol klap i save bruk lephan.

Tonamen dairekta, Jason Pini, i tok, laspela nesanel taitols long Vanimo long 2007, inap long 100 pilaia i kamap.

Moa long Pes 25.

Johnston's Pharmacies



For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.



P.O.Box 1066 Boroko.
Phone 325 3185. Fax 325 0190.
Email sales@johnstons.com.pg.